



**Ein kurtze und einfeltige, aber warhafftige und in Gottes Wort
gegru?ndte Anleytung, zu?begegnen dem Teu?ffelischen und
vermaledeiten Irrthum der Helijschen, Steinbachischen oder
Ku?fferischen Secten, gestellt fu?r die einfeltigen Christen**

<https://hdl.handle.net/1874/402432>

8

2


Ein Kurge vnd einfel

tige / aber warhafftige vnd in Got-
tes Wort gegründte Anleytung / zübegegnen
dem Teuffelischen vnd vermaledeiten irthum
der Helyschen / Steinbachischen oder Küfferischen Ses-
cten: gestelle für die einfeltigen Christen / durch

Mattheum Nägelin / Pfarrherr zü S.

Wilhelm zü Straßburg /

Anno 1566.



Getruckt zü Straßburg bey Christian
Müller am Kornmarckt.

Handwritten text at the top of the page, possibly a title or header, written in a cursive script.

Main body of handwritten text, consisting of several lines of cursive script, likely a letter or a short treatise.

Handwritten text in the middle of the page, possibly a signature or a date.

Handwritten text at the bottom of the page, possibly a footer or a concluding remark.

Vorrede an den Christlichen Leser/
von dem vrsprunge diser/ vnd dergleichen ver-
derblichen Secten/ zur warnung als
len menschen.

L S ist newlich alhie zu Straß Nemlich Anno 1566.
burg ein schrifft in truck außgangen / so von
Schlesstatt hieher kommen/ mit diesem Titel:
Verzeychnuß vnd kurzer begriff / der Lägeris-
schen vnnnd verdampften leh: Martin Steins-
bachs des verflüchtē gottslesterers/ ic. In welcher auch
beschriben würt/ die handlung/ so ein Ersamer Racht zu
Schlesstatt mit desselbigē Steinbachs Jüngern ge-
handelt. Bey welchem schreiben ich mich erinnert hab/
was sich vor etlichen jaren/ alhie in meiner Pfar: zu S.
Wilhelm in der Krautenaw/ eben mit dem selbigē ob-
gemelten Martin Steinbach/ vnd seinen Jüngern ver-
lossen vnd zūgetragen/ dauon jez ohn not nach der len-
ge zū melden. Daher ich billich ampts halben fürsorg
trag/ das nit etwan der Sathan seinen samen/ wider vns
derst ande außzuseen/ die leut jr: zū machen. Wie dan als
bereyt schon etliche gefunden werden/ die sich deshalben
nit wenig verdacht machen. Gott wölle es ihnen zu er-
kennen geben/ vnd ihnen nit gestatten iren irthumb wei-
ter außzubreiten.

Auß was
vrsache di-
ses schreis-
ben fürge-
nommen
worden.

Vn: deshalben bewegt vnnnd verursacht worden/ ein
kurze/ einfeltige Anleytung zūstellen/ den eynfeltigē Chri-
sten hie vnnnd anders wo zū güt/ damit sie sich nit alleyn
herten zūerwahren vor: diesem Teüfflischen vñ vermas-
A ij ledyctis

lebeyten irthumb: sondern könten auch dem selbigen be-
 gegnen mit gewisser vnd in Gottes wort gegründeter an-
 wort/ ob noch er wann jren erlichen/ so in diesem schand-
 lichen vnd verderblichen irthumb gerahen seind/ möch-
 te/ vermittels Göttlicher gnaden/ wider darauß gehol-
 fen werden.

Die stein
 bachische
 lehre der
 aller schät-
 lichsten
 vñ Gottes
 lesterlich-
 sten Kä-
 zereien
 eine.

Das nun der verzweifelt mensch mit namen Martin
 Steinbach / seines handtwercks ein Küffer oder Zent-
 der / welcher ein sündlicher sterblicher mensch gewesen
 gleich wie andere menschen auff erden/ sich zur zeit seines
 lebens / für den heyligen Geyst (welcher vnsterblichkeit
 vnd ein vnvergenglichs wesen hat / als warer / natürli-
 cher ewiger / vñd Allmechtiger Gott / die dritte person
 im ewigen Göttlichen wesen) außgegeben/ das ist nit al-
 lein ein offentliche / greiffliche / jha Teüfelische Lugen/
 sonder auch ein solche schandliche vñd Gotteslesterliche
 Käzerey/ des gleichen nach dem fall der Engel nit vil er-
 hört/ vñ außbracht worden/ vñ ist sich hoch züerwun-
 dern / das die leüt also doll vnd thorecht seind / das sie
 solchem schandlichen irthumb beifall thün / vñ glau-
 ben geben.

ij. Theß.
 am ij. cap.

Aber solches ist ein rechte wolverdiente straffe Got-
 tes / dieweil solche leüt kein lust haben zur warheit/ das
 sie selig würden/ derhalben so schicket inen Gott kreff-
 tige irthumb / das sie glauben der Lugen / auff das ge-
 richtet werden alle die / so der warheit nit glauben/ son-
 der lust haben an der vngerechtigkeit/ Wie dann des lei-
 chen Christus der Herr den Juden fürwürfft / Johannis
 am v. cap. Ich bin kommen in meines Vatters namen/
 vnd jr nemet mich nit an / so ein anderer würt in seinem
 namen kommen/ den werdet jr annehmen.

Was nun dazumal Christus sich beklagt hat wider die Juden/sein eigen volck/das haben wir vns auch zu beklagen auff den heütigen tag/wider die vndanckbarkeit der welt/ vnd sonderlich wider solche/vom Sathan verblendte/vnd bezauberte leüt/das sie so grossen lust haben zür vn warheit/vnd vngerechtigkeit. Dann Gott hat zür diesen letzten zeiten vil getrewer vnd auffrichtiger Prediger in Teütscher Nation/vnd sonderlich vor allen anderen den thewien werckzeüg Gottes/Doctor Martin Luther / löblicher vnd seliger gedechtnus/erweckt/ welcher sampt vilen anderen getrewen Mitgehilffen im namen Christi ist kommen / vnd hat das Euangelion/welches zñ vor durch den Pappst vnd seinen anhang/mit mancherley zñsatz menschlicher lehr/ist verdunckelt worden/widerumb durch Gottes hilff / Rein vn lauter auff die Ban gebracht. Aber die selbige theüre vnd auffrichtige Diener Christi/hat der grössste hauff nit wollen hören/noch annehmen: Der mehrier theil ist bey dem alten Saurteyg des Antichrists/vnd seiner Propheten blibe/welche in irem eigenen namen kommen/haben nach der weissagung Petri ij. Petri ij. neben der lehr Christi eingefürt/verderbliche Secten/vnd verleugnen den Herren/der sie erkauft hat/haben den wey der warheit verlesert/vnd durch geiz mit erdichten worten handtierung getriben an den leütten/Wie dann solches die erfahrung vnd das werck an ihm selbs beweiset/da man die leüt nit auff Christum allein/sein gnügthung/verdienst/oder opffer: sonder entweder auff den eygnen verdienst ihrer gäthen werck/oder auff die fürbitt vnd verdienst der heyligen/oder auff gnügthung/beyde in diesem vnd künfftigen leben: In dijem leben/mit Seelmessen/Klöster

Vndanckbarkeit der welt gegen de
B. Euangelio/ist ein vnsolcher Irthumb.

ij. Pet. ij. cap.
Dise weissagung Petri/vö den falschen Propheten/durch welche sie fürnemlich erfüllet.

Der Bapst
stunb ein
öffentli-
che ver-
leugnung
des was
ren Christ-
liche glau-
bens.

Die stein-
bachische
vnd Ruff-
ferische
Sect ist
nit allein
de Christ-
liche glau-
ben / son-
der auch
d mensch-
lichen ver-
nunfft zu
wider.

stiffren / Ablassbrieff kauffen vñ dergleichen: In ihentem leben / mit dem Segfwer / 10. Welches alles vnleugbar vnd offentlich bekant / noch dannocht will mans alles verthädigen / vnd mit gewalt verfechten / als den alten Catholischen vñnd Christlichen glauben / so es doch ein offentliche verleugnung ist / des waren Christliche glaubens. Solches zwar haben irer vil gemerckt / vñnd verstanden / aber dieweil sie kein lust gehabt zur warheit / haben sie entweder den offentlichen bekantē irthumb helffen billichen vnd verthädigen: oder haben sich auff andere nit weniger schädliche vnd verderbliche Seecten begeben / als nemlich / die Widerteuffferische / Zwinglische / Schwentfeldische / Hoffmännische / vnd Davidische / bißendelich auß Gottes zorn auch dise teuffelische Ruffferische Sect auff die Ban kommen / welche dem fast gar will / wie man pflegt zusagen / den boden auffstossen.

Wiewol nun die selbige nit allein ist / wider alle zeitige nussen der Prophetischen vnd Apostolischen lehre / vñnd wider die articel des allgemeynen Christlichen / vñnd allein seligmachenden glaubens: sonder auch wider allen verstand menschlicher vernunfft: noch dannoch hat sie beifall funden / bei den leuten / das sie disen Rufffer / der in seinem selbst namen kommen / vñnd sich außgeben für den h. Geist / annemen / vñnd an ja glauben. Ach der erschöcklichen blindtheit vñnd vnfinnigkeit: ach des grausamen zorns Gottes wider die vñdanckbarkeit der welt: Dann solche werden vber sich selbs führen ein schnell verdammuß / Der trewe barmherzige Gott / der Vatter aller gnaden / wölle vns / vñnd alle menschen vor solcher blindtheit gnediglichen behüten / das wir nit nachfolgen irem verderben / durch Jesum Christum / Amen.

Abchey

¶ Abtheilung dieser Schrifft.

Es finden sich aber drei erschütterlicher irthumb in dieser Gottsefesterlichen vnd Teuffelischen Secten.

¶ Erstlich / das sich dieser Küffer auß anstiftung des leydigen Sathans auf gibt für den 3. Geist.

¶ Zum andern / dz er sich auch rühmet er sei Helias / vñ welchem der Prophet Malachias geweissaget habe.

¶ Zum dritten / das er vñ die seinen fürgeben / sie sehe ein liecht / vnd ertlich vnder ihnen sagen / Martin Steinbach seie dasselbige liecht / sampt anderen phantaseien / die sie damit einmischen.

Dieses seind die drei fürnehmste irthumb / die sich finden in dieser Steinbachischen Sect / welche wir mit Gottes hilff / nach ordnung wöllen für die handt neissen / vñ mit Gottes wort dermassen widerlegen / das man sehen vnd greiffen muß / das solches alles des Teuffels lügen vnd betrug ist / der in diesen letzten zeiten / fürnemlich sein werck hat / in den kindern des vnglaubens.

¶ Widerlegung des Ersten irthumbes Martin Steinbachs.

Damit man aber gleich im anfang sehen vnd merken könne / was das für ein müerwillige vnd teuffelische blindtheit sei / glauben / das ein mensch der fleisch vñnd blüt hat / wie andere menschen / sei der 3. Geist: so wöllen wir vor allen dingen beweisen / das solcher wohn / auch dem gemeinen verstandt aller vernünftigen menschen / wie vor gemeldt / stracks zu wider / vnd entgegen sei / vñnd wöllen dasselbig thun / eben mit dem argument / das Chriustus brauchet gegen seine Jünger / Luc. xxiiij. Dann da die lieben Jünger Christi erschre-

M. steinsbachs erster irthumb ist wider alle vernunft.

Lu. xxiiij. cap.

A. iij. ten /

6
 Fen/ als Christus auff den Ostertag/ nach seiner auff-
 stehung zu ihnen kam/ durch verschlossene thür/ vnd sie
 sich fürchten/ vermeinten/ sie sehen einen geist/ will Chi-
 stus solche fürcht jnen aufnehmen/ mit erinnerung des ge-
 meinen verstandes/ der vnleugbar ist bei meniglich/ vnd
 spricht/ was seit ir erschrocken/ vnd warumb können sol-
 che gedanken in ewere hertzen: sehet meine hende/ vnd
 meine füsse/ ich bins selber/ fühlet mich vnd sehet/ Dann
 ein geist hat nit fleisch vnd bein / wie jr sehet dz ich habe

Vrsach/
 warumb
 N. stein-
 bach der
 S. geist
 nit sein
 kan.

ij. Cor. iij.

Dieweil dann diser Rüsserische geist fleisch vnd bein
 gehabt/ wie dann seinen Jüngern wol bewüßt/ vnd er sel-
 ber bekant/ vnd solches an jm selber vnleugbar ist: wo-
 her kommen dann die leüt in solche nichtige vnd falsche
 gedanken / das sie einem solchen menschen glauben ge-
 ben/ der von sich selbs außgibt/ er sei ein geist / vnd dan
 zu der Heilige Geist/ welches dan Teufelische vñ Gottes-
 lesterliche gedankē seind / damit verführet werden die
 nigen / so der warheit des S. Euangelij nit glauben ge-
 ben wollen/ Dan also spricht Paulus ij. Cor. iij. Ist vn-
 ser Euangelium verdeckt/ so ist es bei denen die verloren
 werden/ verdeckt/ bei welchem der Gott diser welt / der vn-
 gleubigen sinne verblindet hat/ das sie nit sehen das hel-
 le licht des Euangelij/ von der Klarheit Christi. Das h.
 Euangelium zeuget allein von Christo dē ewigen wort/
 das im anfang bei Gott vnd Gott selber war/ das es sei
 fleisch worden/ vnd habe vnder vns gewohnet Johan-
 s. Aber vom S. geist würt des gleichen zeugnuss in der hei-
 ligen Götlichen schrifft weder im alten noch newen tes-
 tament befunden.

Wiewol diser Rüsserische irthumb / ein ganz Teuf-
 felischer vnd verdampfer irthumb ist/ als der in Gottes
 wort

wort keinen grund hat/sonder stracks dēselbigen zu wider vnd entgegen ist: so nimpt er doch zum schein an die handt die 3. Göttlich schrifft/nach dem exempel seines Vatters/ des Teufels/ da er mit Christo disputiert/ Mat thei iij. Säret derhalbe solche spruch auß der h. schrifft/ beyde altes vnd newes Testaments/ damit er vnderstet her sein Teufelische lügen für die warheit zuuerkauffen/ vnd den leuten ein geplert für die augen zu machen.

fundament des Steynbachische vnd kuffe rischen irthumb.

¶ Von dem ersten spruch auß dem vj. cap.
des Ersten büchs Moysi.

Der erste spruch säret er auß dem vj. cap. Genes. da Gott also spricht: Mein Geist würt nit ewig zanken mit dem menschen/ darumb das er fleisch ist. welche wort (darumb das er fleisch ist) diser Teufels kopff mit willig verkert/ vnd felschlich deutet / als wann sie vom 3. Geist solten verstanden werden/ So sie doch gründlich vñ eygentlich geredt seind von dem mensche/ den Gott nit mehr wolte straffen durch seinen geist/ sonder wolte in vertilgen von der Erden / durch dz wasser/ vnd dasselbig eben darumb / dieweil der mensch fleisch ist. das ist. ein verderbte/ verkerte art/natur vnd wesen/ da ganz vnnd gar nichts gūts an ist/ dem auch nicht zu rathen vnd zu helffen ist. Dann alles fleisch hatte seinen weg verderbt/ auch der mensch/ der auch fleisch ist. verhalten müste der mensch vnd alles fleisch/ von der Erden vertilget werden.

Diesen verstandt geben die wort an inen selbs/ dann also spricht Moyses. Da aber der Herr sahe/ das der menschen bößheit groß war auß Erden/ vnnd alles tichten

8
 vnd trachten ihres hertzens / nür böß war jimmerdar / da
 22 rewet es ihn / das er die menschen gemacht hatte auff er-
 22 den / vnd es bekümmert in in seinem hertzen / vñ sprach /
 22 Ich will den menschen / den ich erschaffen hab / verthe-
 22 gen von der Erden / ic.

Merck
 wol was
 Moyses
 in diesen
 worten be-
 schreibe.
 22 Derhalben kan auß diesem ort mit nichten erhalten
 werden / das diese verblente leut zu irem behülff fürgeben /
 Nemlich / das der 3. Geist auch fleisch sei / Dann Moyses
 will in diesem capitel nit beschreiben den 3. Geist / son-
 der er will beschreiben die welt zur zeit Noe / wie zur selb-
 22 bigen zeit die menschen geschaffen vñnd geartet gewesen
 22 seind. Dann also spricht Moyses weiter / Da sahe Gott
 22 auff Erden / vnd sihe sie war verderbt / dann alles fleisch
 22 hatte seinen weg verderbt auff Erden. Da sprach Gott
 22 zu Noe / alles fleisches ende ist für mich kommen / dann
 22 die Erde ist voll fräuels von inen / vnd sihe da / Ich will
 22 sie verderben mit der Erden / ic. Item / sihe / Ich will
 22 eine Sündflut mit wasser kommen lassen auff Erden /
 22 zu verderben alles fleisch / darinnen ein lebendiger athem
 22 ist vñder dem himmel.

Das aber der verzauberte Küffer obgemelten spruch
 (darumb das er fleisch ist) hat wollen auff sich ziehen
 vnd deuten / dasselbige möchte im wol gegönnet vñnd zu
 gegeben werden / aber seine Jünger sollen wissen / das die
 folgende wort in auch betreffen / da Gott sagt / das alles
 fleisch seine weg verderbt habe auff Erden. Diweil dan
 dieser Küfferische Geist / auch fleisch ist / wie er vñnd die sein-
 22 nen selbs bekenen / vñ darzu auch wie alles ander fleisch /
 22 seinen weg verkeret hat / jha vil gewaltiger / vñ erschöck-
 22 licher gesündigt / dann alle andere menschen kinder auff
 22 Erden / darumb das er in diese Teuflische hoffart gerath
 22 22

Straff so
 über diesen
 Küfferi-
 sche geist
 gehen
 wirt.

then / das er sich selbs hat wöllen Gott gleich machen: so ist er nit werth / dz er hat sollen mit dem Element des wassers vertilget werden / sonder das er mit Ketten der finsternuß zür ewigen verdammuß behalten werde / mit den Engeln / so sich auch mit gleicher hoffart wid Gott verständiget vnd vergriffen haben.

¶ Von dem andern spruch / welchen er genommen hat / auß dem Propheeten Jeremia.

Vm anderen / nimpt diser Gottslesterliche Geist auch an die handt ein andere Prophecey auß dem alten Testamēt / welche der Propheet Jeremias thüt / wider die Moabiter im xlvij. cap. vnd auß verblendung des Sachans will er die selbige auff sich ziehē / als wan sie von ihme solte verstanden werden.

Die selbige Prophecey aber heist sich also / Moab ist von seiner jugent auff / sicher gewesen / vnnnd auß seinen heesen still gelegen / vnd ist nie auß einem fass ins ander gegossen / vnnnd nie ins gefencknuß gezogen / darumb ist sein geschmack im bliben / vnnnd sein geruch nit verendert worden. Darumb sihe / spricht der Herr / es kompt die zeit / das ich inen will Küffer schicken / die sie ablassen sollen / vnd sie auslehren / vnd ire lägel zerschmettern / vnd Moab soll ober dem Chamos züschandē werden / gleich wie das haus Isracl ober Bethel züschandē worden ist / dar auff sie sich doch verliessen / 10.

Damit man aber sehen möge / wie fein sich dise Prophecey reimet mit des Küffers traum / so wöllen wir de inhalt der selbigen zü söderstklären / darnach sehen /

B ij was

Stier
mie am
xlvij. ca.

„
„
Lutheri
versio ha
bet:
Ich will
inen schickē
ter schickē
die sie
ausrichtos
te sollen.

Innhalt
des xvij.
cap. Sie-
remie.

- was der Rüsser für ein Bün in dises faß wölle vberheben
cken. Dann dises acht vnnnd vierzigste cap. im Jeremia
ist ein weiffagung wider Moab / daß Gott tröwet de ab
göttischen Heyden den Moabitern / der Juden nach
baur / das er sie würde heimfuchen / vnd ernstlich strafe
fen / mit verhergung landes vnd leuth / mit vermeldung
der vsachen / welche gemeinlich alle Regiment wußt ma
chen / Erstlich von wegen jres hochmüts / dz sie auff ei
genen gewalt vnd reichthumb trogeten / vnnnd güte tag
nit erleiden kundten: Darnach das sie die armen gefange
nen Juden hochmütiglich verachteten: Zum drittem /
dz sie mit falschem Gorttsdienst umgiengen / vn̄ schant
liche Abgöttereitriben.

Die selbige Moabiter werden einem newen Wein ver
glichen / welcher noch nie abgelassen worden / sonder im
merdar im ersten faß bliben / vnnnd deshalb seinen ger
schmack vn̄ geruch vnuerfchret behalten: Also sei es auch
mit den Moabitischen volck / welche immerdar in frem
land bliben / kein verhergung / oder verderbung durch
krieg erlitten / deshalb sie jren geruch behalten / dz ist
jr herligkeit / gewalt vnd reichthumb bei ihnen bliben.
Die weil sie sich aber derselbigen vberheben / so wölle jnen
Gott schicken Ablässer / die sie sollen ablassen / dz ist ein
gewaltiges Kriegsvolck / welches sie mit gewalt werde
vberziehen / vnd gefencklich hinweg süren / vnnnd gleich
auch mit die faß auslehen / vnnnd die Lägeln zerschme
tern / das ist / alle jre Stätt vn̄ flecken / plündern / vberhe
gen vnnnd verderben / ja dem faß (wie man sagt) gar den
boden aufstossen / das ist / jr Regiment ganz vnnnd gar
zerstören vnd zu nichten machen.

Wie reimet sich nün hiezü dises Rüssers Büne / den
er vber

er über diese sache will überhengen / die lengest zerschmetert / vnd zerschlagen seind: wie kan er jm allein / als einer sonderen vnd einzigen person zümessen / das einer grossen menge / eins gewaltigen vñ mechtigen volcks / vom Propheten zugeschriben würt / durch welches die Moabiter / von wegen ihres hochmüts vnd Abgötterei solten gestrafft werden: oder wie reümet sich das mit dem ampte des H. Geistes: von welchem Chrustus saget / das er die welt werd straffen / aber nit mit einem leibliche schwert / sonder mit einem geistlichen / welches ist Gottes wort / wie Paulus zün Ephesern im vj. cap. dauon redet vnd lehret. Der Prophet aber redet hie an eingefürtem ort / von einem weltlichen gewalt vnd schwerdt. welches ein mechtig / gewaltig volck werde füren vñnd üben / wider die Abgöttrischen vnd hochmütigen Moabiter / welches der Prophet mit der gleichnuß vom wein / der durch die Ruffer ab den hesen gelassen würt / hat wollen züuers stehen geben.

Dabei dann das auch zümercken ist / daß das Hebraisch wörtlin / so sonst von wege der gleichnuß von wein / wol vñnd recht Ruffer oder Ablasser ist verdolmetscht worden / nit eigentlich heißet ablassen: sonder heißet eingentlich sein statt / vnd ort verlassen / vnd außziehen / oder von einer statt vnd ort vertreiben. Dañ also redet der Prophet / wann man es von wort zü wort will verteutschen: darumb sihe / spricht der Herz. Es kompt die zeit / das ich in will schicken Austreiber / die sie sollen austreiben (verstehe auß irem land in ein frembdes) vñnd werden eigentlich verstanden solche leut / die zü vnserer zeit Schnapphanen genent werden / die sich im stegreyff nehmen vnd behelffen / deshalben auch die Chalveysche ver-

Wie sein vnd redlich der Ruffer diesen spruch außsich gezogen hab.

Johan. am xvj.

Ephes. vj

Merck / wie das wort Ablassen od außziehen ten zünerstehet.

dolmetschung disen ort also erklärt: Ich will über sie schicken Räuber/die sollen sie berauben/ıc.

So dann diser schandeliche Käffer solche Propheeten im selbs will zügemessen haben/das mag man im zügeben/jedoch mit solcher bescheidenheit/das im vñ seinem anhang der lohn gegeben werde/der den Schnappharen vnd Strassenreubern gebürt/fürnemlich aber denen so nach gnügsamer vnderichtung sich mit wollen weissen lassen. Dann eygentlich/so lauret in solcher Sect gleich wie auch in der Widerteuffrischen vnd Münsterrischen ein giftige Schlange/des Auffrürischen Geistes/da dann billich die Oberkeiten zusehen sollen/das durch jr fahrlässigkeit/vnnd vnachtsamkeit nit erwan solche Schlangen in dem hüttem ihrer Oberkeit/zü irem vnd irer Vnderthonen zeitlichem vnd ewigem schaden/gesogen vnd erhalten werden/wie dann das Münsterrische Exempel in keinen vergeß nimmer solle gestellt werden.

Es sollen aber Christliche Oberkeiten/vor allen dingen fleißige fürscheidung thun/dz die Kirchen vnder irem gebiete/mit getrewen vnd rechegeschaffenen Hirten vnd Lehrern versorgt werden/welche beyde der lehr vnd des lebens halben vnsträflich seien/damit nit erwan die leut geergert/vnnd wider die Eßpff gestossen/dardurch das Predigamt verlestert/vnnd die leut von dem weg der warheit abgewendet werden. Diereil aber die Oberkeiten erwan desselbigen wenig achten/wie es beyde vmb die Prediger vnd zühörer geschaffet/so ist es kein wunder/das solche reiffende wölffe mit gewalt einbrechen/welche der Herde nit verschonen/wie Paulus in der Apostel Geschichte am xx. cap geweissaget vnnd gewarnt hat.

Von dem dritten Spruch/so er genom-
men hat auß dem 13. Psalmen.

Schempt sich auch diser lügenhafftige Geist nie/
müt williglich zünerkeren den trostreichen Spruch
des Propheten Dauids/ welchen er auß dem Geist
Gottes geredt hat/ zü seinem selbs/ vnnnd aller anderen
angefochtenen trost/ so der sünden halbe/ in irem gewiss-
sen vnd hertzen grossen schrecken/ forcht vnd angst füh-
len vnd befinden/ da er spricht/ Die opffer die Gott ge-
fallen/ seind ein zerbrochener Geist/ ein geengstes vnd zer-
schlagen hertz/ würstu Gott nit verachten. In welchen
worten er rühmet Gottes gnad vnd barmhertzigkeit ges-
gen denen/ so eines geengsten vnd zerschlagene hertzens
seind/ welche sich fürchten der sünden halb/ vor Gottes
zorn/ sich deshalben demütigen vnder die gewaltigen
handt Gottes/ vnd in warem glauben sein gnad süchen
vnd begeren: die selbigen will Gott nit verachten/ son-
der zü gnaden annemen/ vnnnd iren sein barmhertzigkeit
reichlich widerfahren lassen.

Was gehet aber diser Spruch disen schandelichen
küsser an/ der kein zerbrochener geist vnd zerschlagene ge-
müt hat/ sonder ein stolzen/ hochmütigen/ vnd Teuffe-
lischen Geist/ der auß Teufelischer hoffart vnd vermeh-
renheit ihm zümisset/ das allein der ewigen Göttlichen
Mayestat zugehörig ist. Aber dauon wollen wir hernach
her weitleufftiger handeln/ wann wir werden reden von
der Göttlichen natur/ vnnnd dem Göttlichen wesen des
heiligen Geistes.

Von

Innhalt
dieses
spruchs.

Von dem vierdten Spruch/welcher genommen ist auß dem newen Testament ij. Cor. ij.

Er h. Apostel Paulus schreibt in der ij. Epistel
 zün Cor. ij. cap. also. Ihr seide ein brieff Christi/
 durch vnser Predigampe geschriben / nit mit ein-
 ten/sonder mit dem geist des lebendigen Gottes / nit in
 steinern Tafeln / sondern in fleischern Tafeln des her-
 zens. Dise wort verkert der verkert vnd verfürlich gese-
 auff das aller vngerümpetst / als wann sie geredet weren
 von der Natur/substanz vnd wesen des h. Geistes / als
 wann der selbige herte sollen ins fleisch kommen / oder
 fleisch werden / vnd hencket dise schandeliche lügen dare-
 an / das er fürgibt / als sei solches auff in zü deüten vnd
 züziehen: So doch der h. Apostel gar gründelich vnd ein-
 gentlich redet vom Predigampe / das im züsüren befole-
 hen war / vnd lehret / wie durch dasselbig der h. Geist
 freffentlich würcket in den hertzen der glaubigen / als in
 fleischern Tafeln / nemlich / ware erkantnuß Gottes/
 forcht lieb / vnd vertrauen zü Gott / sampt andern
 trefften vnd tugenden / welches alles dahin dienet / das
 Christus / der den h. Geist erworben / ohn inen geehret
 vnd gepriest würt / welches alles aufzürichten dem ges-
 sag / in steynere tafeln geschriben / vnmüglich gewesen.
 Was gehet aber solches den Ruffer an? Der des h. geists
 nit sehig / sonder von dem bösen geist ganz vnd gar ein-
 genommen / vnd besessen ist / auß welches aufstiffung er
 das h. Predigampe / das ein ampte ist des h. Geistes/
 schmechlich verachtet / vnd mit süßen trit.
 Zü dem / So redet der h. Apostel nicht von einer fleis-
 schern

Wo von
 der h. A-
 postel an
 diesem ort
 rede.

schern Tafel allein: sonder von vilen / das ist / von viler
glaubigen hertzen / in welchen der h. geist würcket / durch
die Predig des h. Euangeliums / das heil vnd dz ewige
leben / welche alle desßhalb in keinē weg sich zū rhümen
haben / das sie seien der h. Geist / sonst müsten vil heilige
Geister sein / So doch Paulus sagt zū Ephesern iij.
cap. das nur ein geist seie.

Das aber der wahnwitzige vnd unsinnige Küffer sol
ches thüt / vnd im selbs zū misset / er sei der h. Geist / das
hat er mehr dem teufel seinem vatter / dann Gott zū dan
cken. Dann Gott spricht / Er wölle sein eh: keinem ande *Esaiē am*
ren geben / derhalbē ist solche anmassung für einen raub / *xij. cap.*
vnd nicht für ein gab Gottes zū achten / vnd zū halten.

Ein weicleüffigere erklärang vnd Vnderrichtung von dem h. Geist / auß grundt der h. Schrifft / zū widerlegung dises ersten Gottsesterlichen Steimbachischen irthumbs.

DAmit aber ein jeglicher einfeltiger Christ / der an
ders sonst lust hat zūr warheit / künde vnd möge
disen schandelichen irthumb / vnd teufelische
Gottsesterung / wider die ewigen Göttlichen Mayes
stat / wider den h. Geist erkennen: so wö. len wir an die
hande nemmen die zeugnuß Christi / vnd seiner Apostel /
was sie vom h. Geist gelehrt haben / vnd dann im ge
gensatz dagegen halten / wie es vmb disen verdampften
menschen geschaffen sei. Wir wöllen aber solches thun
mit diser ordnung / Erstlich wöllen wir handeln von
dem tittel vnd namen des h. Geists.

Abteülig
diseß vñ
deruchts.

2. ¶ Zum andern von ſeiner Natur / ſubſtanz vnd weſen.
 1. ¶ Zum dritten / von ſeinem ampt vnd von ſeinen eygenſchaften.
 4. ¶ Zum vierdten / von ſeiner krafft vnd würckung.
 3. ¶ Zum fünfften vnd letzten / von ſeiner offenbarung.

Der Erſt Artikel.

¶ Von dem Titel vnd namen des Heiligen Geiſtes.

- Der H. Geiſt hat drei namen.
 1. Tröſter.
 2. Geiſt der warheit.
 3. Heiliger Geiſt.
- G**S werden dem H. Geiſt drei herrlicher Titel vnd namen gegeben von Chriſto dem Herrn ſelbs. Dañ Erſtlich nennet in Chriſtus den Tröſter. Johan. xv. vnd daffelbig umb zweier viſach willen. Dann er nit allein inwendig in vnſerm hertzen vnſerm Geiſt zeitig außgibt / das wir Gottes kinder ſeind / vnnnd damit vns tröſtet: ſonder er vertritt vns auch gewaltiglich / mit vns außſprechlichen ſeuſſzen / Rom. am viij. cap. daher dieſes wörtlin / Tröſter / mag auch ein Fürſprech vnd Advocat verdolmetſcht werden.
- ¶ Zum andern / ſo nennet in Chriſtus den Geiſt der warheit / darumb dz er vns in alle warheit leitet / Johan. am xvj. cap. das iſt / der vns alle das ihemig lehret / was zu warer erkantnuß Gottes / vnnnd Jeſu Chriſti ſeines Sons / in deren dan ſtehet das ewig leben / von nöte iſt.
- ¶ Zum dritten / ſo nennet Chriſtus ihn auch den H. Geiſt / Johan. am xiiij. cap. Er würt aber darumb genennet der H. Geiſt / nit allein das er für ſich an jm ſelbs heilig iſt: ſonder das er die hertzen der gleubigen heiliget / in jnen

in ihnen ſchaffet vnd würcket neue vnd heylige gedan-
cken/ wort vnd werck/ vnd bei ihnen anricht ein heiligen/
vnd Gottſeligen wandel. Solches alles/ nemlich/ die
herzen erſten/ kindliche vnd hertzliche ſeuſſigen in den
ſelbigen erwecken/ in aile warheit leiten/ die hertzen reini-
gen/ vnd heilige gedanken/ wort vnd werck bei den
Glaubigen anrichten: Das ſeind ſolche werck/ die allein der
ewigen Götlichen Mayeſtet zugehörig/ die keinem men-
ſchen/ ja keinem Engel züerrichtē möglich/ ſonder ſeind
allein Gottes eigen werck vnd geſchefft/ darzu gehört
ein vnſichtbare/ vnendliche/ ewige götliche krafft/ wel-
che iſt vñ hat der H. Geiſt/ deſhalbē er auch ein Geiſt/
vnd nit fleiſch genennet würt. Dieweil dann diſer Rüs-
ſer fleiſch vnd blüt iſt/ ein arbeitselige/ nichtige creatur/
ſim Reich Gottes vndüchtig (Dann was vom fleiſch
geboren iſt/ das iſt fleiſch/ Johan. am iij. cap. Fleiſch vñ
blüt aber/ mügē das Reich Gottes nit ererbē) Wie wol-
te daß jme möglich ſein/ ſolche werck/ die allein der Göt-
lichen Mayeſtet zugehörig ſein/ züerrichten: Dann wie
wolte der anderen kōnden zeugnuß geben in ſrem hertze/
von der kindſchafft Gottes / der ſelbs von natur ein
kind des zorns iſt? Ephes. am ij. cap. Wie wolte der/ die
ſeuſſigen der kinder Gottes für Gote bringen/ der nit von
natur ewiger Gott iſt? das iſt/ der die hertzen der men-
ſchen nit erkennet/ vnd jr gedanken nit weiß: Dañ Gott
iſt allein ein hertzkündiger. Wie wolte der/ andere in alle
warheit leyten/ der von natur/ wie alle andere menſchen
lügenhaſſtig iſt? Dann alle menſchen ſeind lügner: Aber
Gote iſt allein warhaſſtig. Wie wolte der andere heilige
vnd reinigen/ der nit allein in ſünden entpfangen vnd ge-
born iſt/ ſonder auch von dem unreinen geiſt/ von dem

Mancher
ley wür-
ckung
des h. gei-
ſtes.

Der Rüs-
ſer kan
der H.
geiſt nit
ſein.

Teufel gang besessen / vnd gar eingenommen ist?

Derhalb / so ist diser rthumb des Küffers / das er sich außgibt für den h. Geist / von dem teufel. welcher ein vatter ist aller lügen / vnd reychet zu vnehr der hohen Göttlichen Mayestat / vnnnd sonderlich der dritten person / im ewigen Göttlichen wesen / welche sünde in den Heiligen Geist / weder hie noch dort vergeben würt / Marth. am xij. cap.

Der ander Artickel.

¶ Von der Göttlichen natur vnd wesen des h. Geistes.

Beschreibung des h. geistes.

Als ander Argument / wider solchen Gottslesterlichen rthumb gibt vns an die hande / die beschreibung des h. Geistes / die Christus selbs thät / Johan. am xv. cap. da er dann den h. Geist beschreibet / das er sei der Geist der warheit / der vom Vatter außgehet. Dieweil aber der Vatter nie ist fleisch / sonder ein Geist / wie Christus selbs bezeuget / Johan. am iij. cap. Gott ist ein geist / vnd die in anbetten / die müssen in im geist / vnd in der warheit anbetten : so volget vnwidersprechlich / das vom Vatter / der ein geist ist / dz ist ein geistlich / vn sichtbar / ewig / Allmechtig / vnnnd vnvergänglich wesen. nichts kan außgehen / dann das gleicher natur / vnd gleiches wesens ist / nemlich / gleich geistlich / gleich vn sichtbar / vnd vnbegreiflich / gleich ewig / gleich allmechtig / vnd gleich vnvergänglich. Dann also würt Gott beschriben nach seinem Göttlichen wesen / j. Timoth. am vj. cap. Der selbige / vnd allein gewaltige / der König aller Könige

j. Timot.
am vj.

ler Könige/ vnd Herr aller Herrn/ der allein vnſterblich
keit hat/ der da wohnet in einem liecht/ da niemandt zu
kommen kan/ welchen kein menſch geſehen/ noch ſehen
kan/ dem ſei eh/ vnd ewiges reich/ Amen.

So dann Chriſtus ſpricht/ dz der H. Geiſt von Gott
dem Vatter aufgehet/ ſo ſchreibt er ihm auch gleich mit
zu/ ſolche eh/ nemlich Göttliche gewalt vñ herſchafft/
vnſterblichkeit/ ewige Klarheit/ vnſichtbarkeit/ vnd derg
gleichen/ welches alles mit nichten/ vñnd im wenigſten
kan dem Küſſer zūgemessen werden/ als an dem ſich al
les im widerſpil finder: nemlich/ nichtigkeit/ vñnd eytel
keit/ ſterblichkeit/ vnd gebrechlichkeit/ vnd was derglei
chen vñehlichs von dem menſchen mag geſagt werde/
daſſelbig kan ihm auch gleich ſo wol/ als anderen in der
warheit zūgeſchrieben werden/ wie es ſich dann auch mit
der that an im befunden hat.

Dann das er ein nichtiger/ elender/ vñnd bresthafter
menſch geweſen/ das hat ſich am werck befunden/ das er
in ſeiner jugent von ein Roß dermaßen iſt geleyt wor
den/ das er dauon einen Bruch an ſeinem eigenen Leib
bekommen/ vñnd den ſelbigen auch hat müſſen mit
ſchmerzen die ganze zeit ſeines lebens an Leib behalten/
zūm zeugnuß ſeiner menſchlichen ſchwachheit/ vñnd blö
digkeit/ welche er aber auß verblendung des teüfels nit al
lein nit hat wöllen erkennen: ſonder hat auch noch als
ein vnſinniger/ wahnwitziger/ vñnd vom teüfel verblent
ter menſch/ deſſelbigen wöllen einen rhüme haben: vñnd
das noch mehr iſt/ hat er auch vnderſtanden ſein Gottes
leſterliche lügen damit zūbeſtätigen.

Dann da der Prophet David im 1j. Pſalmen meldet/
die opffer die Gott gefallen/ ſeind ein zerbrochener oder

C iij geengſter

M. ſtein-
bach iſt
wie ein
anderer
menſch.

Was M.
ſteinbach
für ein ge-
brochener
geiſt ſei.

geengſter geiſt / Ein geengſtes vñ zerſchlagte hertz wüſt
 du Gott nit verachten: daſſelbige ſpüche er ſei von ihm
 geredt / dieweil er am leib zerbrochen vnd zerſchlagen ſei.
 Das müß mir ein vnuerſchampter / hönlicher / vnd ſpö
 tiſcher teufel ſein / das er nit allein dem h. Geiſt ſolche vn
 ehr / vnd Onmacht darff zümessen / als der da künde vn
 möchte / von einer nichtigen creatur verlezet werden: ſon
 der auch noch den leiblichen bruch / darff als ein Mark
 zeichen dargeben / dabei man in / den Küſſer / als den h.
 geiſt ſolte lernen erkennen. O der leſterung / O der ver
 zweifelten boßheit / O des Teufeliſchen ſpots / vnd Sa
 chanischen hoffart. Da ſeind alle Tonder vñnd pliz vil
 zü gering gewefen / ſolche fräueliche vñ mütwillige gottes
 leſterung züſtraffen. Dann ob wol Gott auß langmü
 tigkeit pflegt ſeine ſtraffen jnzü halten : ſo iſt doch ſol
 ches hie kein zeychen der langmütigkeit Gottes / ſonder
 ſeines billichen vnd gerechten zorns wider die vnſinnig
 keit der welt / damit gerichtet werden an ſhenem tag / mit
 ewiger ſchand vñ ſchmach / die da zentlich ſeind / die die
 warheit in der vngerechtigkeit auff halten / vñnd ſolche
 ſchandliche Gotsleſterliche lügen für die warheit an
 nemen.

Rom. am
 ij. cap.

Beschrei
 bung w3
 der H.
 Geiſt ſei.

Derhalben ſo müß man der beſchreibung des h. Geiſtes
 ſtes wol warnemen / wer er ſei. nemlich / die dritte Per
 ſon / im ewigen / Göttlichen / allmechtigen / vnzerrenn
 lichen weſen / welcher hat gleiche ehr / vñnd Mayeſtet mit
 Gott dem Vatter / vñ dem Son / welcher iſt ein ewiger
 vñ allein gewaltiger künig / der da hat vnſterblichkeit /
 vñ ein ewige herſchafft / vñnd wohnet in einem liebt
 - dazu niemandt kommen kan.

So dagegen diſer zerbrochne Küſſer nit allein gebreffe
 haſſe

hafft am leib: sonder auch sterblich gewesen. den man zu
seit seines lebens hat künden sehen / vnd fühlen / der sich
hat müssen behelffen der geschäfte vnd werck dises na-
türlichen lebens / als da ist / essen / trincken / schlaffen / eh-
lich werden. Kinder zeugen / daneben / frost / hunger vnd
durst leiden / welches alles mit der Göttlichen Mayes-
stet / vnd herligkeit sich ganz vnd gar nit vergleichet.

Zu dem gleich wie er ist von der Erden / vnd jrdisch
gewesen / also ist er auch / durch den leiblichen todt / wie-
der zur erden worden / Müß leiden / das sein fleisch von
den wärmen gefressen würt / deren er sich nit erwehren
kan / wie dan zum zeugnuß seiner sterblichkeit / noch auff
den heutigen tag / sein grab vorhanden / welches züsin-
den in einem dorff am Rhein gelegen / mit namen Mas-
schenheim. Wo bleibt dann sein Göttliche macht / vnd
herrschafft / wo bleibt dann die vnsterblichkeit. die allein
Gott / vnd dem heiligen Geist zugehörig ist :

M. stein-
bach ist
sterblich
gewesen.
M. stein-
bachs bez-
grebnuß.

Der dritt Artikel.

Von dem ampt / vnd den eigenschafft-
ten des heiligen Geistes.

Als drittes Argument / wider solche Gottlesterung
nemen wir auß dem Ampt des heiligen Geistes /
welches Christus der Herr gar eigentlich vn deut-
lich beschreibet. Johan. am xv. vnd xvj. cap.

Dann Erstlich saget Christus / Johan. am xv. Wan
aber der Tröster kommen würt / welchen ich euch senden
werde vom Vatter / der Geist der warheit / der würt zeit-
gen von mir / nemlich / das ich sei Christus / der Herr vnd

Christus
hat das
ampt des
H. Geis-
tes bes-
chriben /
Johan.
am xv. vñ
xvj. cap.

C iij Hey

Actorum
am r. vnd
iiij.

landt der welt/ das ich verordnet ſei von Gott ein Richter der lebendigen vnd der todten. Itē Acto. am r. ca. v3
in keinem anderen heilſeie / auch kein anderer name den
menschen gegeben/ darinnen ſie ſollen ſelig werden/ Acto
rum am iiij. cap.

Dieſer Küſſeriſche geiſt aber / als ein lügenhafftiger
geiſt/ zeuget nit von Chriſto/ ſonder von ſich ſelbs / das
er nit allein der heilig geiſt ſeie: ſonder auch Helias / vnd
ein Richter der lebendigen vnd der todten. Darauf vnt
widerſprechlich volget / das er eben deſhalbens nit ſeie
der h. geiſt/ ſonder ein verfüriſcher vñ Teufeliſcher geiſt/
welcher ſeinem Vatter dem Teufel nach volget / das er
will ſeinen ſtül neben Gott ſetzen / vñ ſich für Gott auß
geben/ der doch ein verflüchter vnd von Gott verworff
fener menſch iſt.

Zum anderen / ſo beſchreibet auch Chriſtus dz ampt
des h. Geiſtes/ Johan. am xvj. cap. alſo. Der h. Geiſt/
ſpricht er/ würt die welt ſtraffen/ vmb der ſünden willen/
das ſie nit glauben an mich. Er ſpricht nit/ das ſie nit
glauben an den Küſſer / welches er hette müſſen ſagen/
wann es ſolte ſünd ſein/ an den Küſſer nit glauben/ vnd
wäre Chriſtus in dem fall züerdennen / als der mehr
ſein ehz/ dann des Heiligen geiſtes geſucht hette. Dieweil
er meldet/ das der h. geiſt werde allein von jm/ Chriſto/
als dem einigen Heilandt der welt/ zeugen / vnd nit von
ſich ſelbs/ vnd das er die welt werde ſtraffen / vmb dieſer
einigen ſünde willen / das ſie nit glaubē an jm/ Chriſtum
den Herren.

Hie gehet es nüt an ein treffen/ dz entweder Chriſtus/
das ampt des h. geiſtes nicht recht beſchriben/ vñnd die
warheit nit vollkommen gelehrt/ als der dem h. geiſt ſein
gebühren/

Gebürende ehr: nit gönnete: oder aber / diſer Küſſerische Geiſt, miſſet jm ſelber zü / auß teuſelicher hoffart ein ſolche eh: / die jm nit gebüret. Wer nun luſt hat / diſem ſchätlichen lügen geiſt mehr zü glauben / dann Chriſto / der die warheit ſelbs iſt / der thü es auff ſein eigen gefahr. Es bleibe aber vil mehr Chriſtus warhafftig / diſer Küſſer aber lügenhafftig / nach der art ſeines Vatters / des Teufels / der auch ein Vatter der lügen geneit würt. Johan. am viij. cap.

Zum dritten / ſo beſchreibt auch Chriſtus das ampt des h. geiſtes noch weiters / vnd ſpricht / Johan. am xvj. cap. Wann ihener / der geiſt der warheit kommen würt / der würt euch in alle warheit führen. Nun iſt es vnleugbar / dz der h. geiſt / nach der verheißung / auff den Pfingſtag / vber die Apoſtel komen / von dem ſie alle warheit gelernt haben: Aber ſie haben nichts gewüßt / habē auch nichts vernommen / haben auch nie daſſelbig gelehret / das der h. geiſt / würt ein Küſſer / vnd ein menſch ſein. Derhalben vnwiderſprechlich folget / das die Küſſerische Lehr nit ein warheit / ſonder ein ſchandlicher betrug des leidigen Sathans iſt / welcher alſo ſein werck hat in den Kindern des vngläubens.

Zum vierdte / ſo meldet vnd erkleret Chriſtus auch / in der beſchreibung des ampts des H. Geiſts mit vilen Worten / die art vnd eigenschafft deſſelbigen / damit man bettere ein gewiß merckzeychen / den lügenhafftigen teuſelichen geiſt / von dem warhafftigen Göttlichen geiſt zü vndeſcheyden. Dann er würt / ſpricht Chriſtus / nit von im ſelbs reden / ſonder was er hören würt / das würt er reden / vnd was zukünfftig iſt / das würt er euch verkündigen / der ſelbige würt mich verklären / dann von dem
D meinen

- » meinen würt ers nemen / vnd euch verkündigen. Alles was
 » der Vatter hat / das ist mein / darumb hab ich gesagt / er
 » würt es von dem meinen nemen / vnd euch verkündigen.

In disen worten werden drei eigenschafftren erzölet
 als gewisse merckzeichen / dabei man die geister prüffen
 vnd bewehren kan / ob sie auß Gott / oder mit auß Gott
 seind: wie Johanes deshalb auch vermanet die Chri-
 sten zů seiner zeit / da er spricht / 1. Johan. iij. cap. Liebe
 Kindlein / glaubet nit einem jeglichen geist / sonder prüffe
 die geister / ob sie auß Gott seind / dann es seind vil fals-
 cher Propheten außgangen in die welt.

Regel
 Johannis.
 1. Johan.
 iij. cap.

Drei eige-
 schafft
 mit wel-
 chen man
 den 3.
 geist vnd
 andere
 geister/
 von einã
 der schei-
 den soll.

Die eigenschafft aber / dabei man solle den 3. geist er-
 kennen / erzölet hie Christus gar deutlich / nemlich / Zum
 ersten das der 3. geist nit werde von jm selbs redẽ / Sãm
 ander / das er solle Chrustum den Herren erklären.
 Zum dritten / dieweil er nit solle von ihme selbs reden / so
 solle ers alles nemen von Chrusto. Dann also spricht Chri-
 stus: Er würt es von dem meinen nemen. Wie welchen
 worten er lehret / das der 3. Geist nichts newes werde
 auffbringen / sonder alle seine lehr werde gleichförmig
 sein / der lehr vnd Predig Chrusti / vnd werde allein auß
 disen zweck / vnd auß dises einige ende gerichtet sein. Das
 nemlich Chrustus erkläret / das ist groß vnd herrlich ge-
 macht werde / als der eingeborne Son vñ Vatter / als ð
 einige Heiland der welt / als der einige mittler / vnd hohe
 Priester / als ein einiger Kñig / vnd ein Richter der lebẽ-
 digen vnd der toden.

Dieweil dann diser Kñfferische geist / solcher art vnd
 eigenschafft des h. Geistes zůwider handele / in dem / das
 sein lehr sich gar nit vergleiche / mit der lehr Chrusti / vñ
 das er nit Chrustum allein / sonder sich selbs verkläret vñ
 groß

Groß macht: So ist nun leicht die volg zū machen / das dieser Küfferische geist auß dem Teufel ist / vñnd nit auß Gott. Dann Christus lehret / das jm alles gericht sei vñ Vatter vbergeben / Johan. am v. cap. Vñnd das er auff den H. Pfingstag wölle seinen heiligen geist senden vom himel / in feüriger gestalt / vñ nit in menschlicher gestalt. Acto. j. Darumb verflucht sei diser geist / der anders lehret vñnd redet / dann Christus geredt hat / wie dann diser schandliche Küfferische geist gethan hat / wie gnügſam erwiesen wordē. Dañ Paulus spricht ij. Corinth. iij. ca. Wir Predigen nit vns selbs / sonder Christum / das er sei der Herr / vñnd wir ewere diener vmb Christi willen.

Urtheil vber den Küfferische geist auß der regel Johannis.

Der vierdt Artikel.

¶ Von der würckung vñnd krafft des heiligen Geists.

Svil die würckung vñnd krafft des H. Geists beslangt / so ist die selbige zweierley. Die ein / ist ein sichtbare / vñnd wunderbarliche krafft / damit die H. Apostel auff den H. Pfingstag / von oben herab sein angerhan worden / da durch dieselbige der heilig Geist gewürcket hat grosse thatē / vñ wundwerck / wid alle feüchten vñnd krankheiten / wider allen gewalt des Teufels: Item / da der H. Geist ihnen hat gegeben / auß zū sprechen in mancherlei sprachen die wunderthaten Gottes: Item / da der H. geist ire hertzen erleuchtet / das sie alle geheimnussen der h. schrifft von dem Reich Christi / verstāden haben: Item / da der H. geist inen hat gegeben ein freüdigen müt / öffentlich auch mit gefahr leibs vñnd lebens

Die würckung vñ krafft des h. geistes ist zweierley.

Sichtbare vñnd wunderbarliche krafft des h. geistes in den h. aposteln

D ij bens

Der Kuff
ferische
geist hat
die sicht-
bare vnd
wunder-
barliche
würckung
mit.

bens Chriſtum den gecreüzigten zü bekennen. Diſe Krafft
vnd würckung/ die der H. geiſt zü der zeit der Apoſtel ge-
würcket / hat ſich noch mit im wenigſtē erzeiget / bei diſem
erdichten Kufferiſchen geiſt / oder bei ſeinen Jüngern es
widerſpil würt wol bei in gefunden / dz der löſe geiſt ſein
werck hat in ihnen / als in den kindern des vnglaubens
von welchem ſie alſo verzaubert werden / das ſie nit als
lein die H. Göttliche ſchriſt verkeren vnnnd verfäliſchen /
Gott ſein ehre rauben vnd ſtelen; Sonder darzū noch al-
le lei vngereümpfte vnd vnerhörte boſſen vnnnd Tare-
thädung fürgeben / das man eigentlich kan darauff ab-
nemen / wie der Teufel ſeinen ſpott mit ihnen treibt / zü
ſchmache Gottes / vnnnd züm verderben der armen men-
ſchen.

2.
Heimlich
e vnd
verborge-
ne krafft
vnd wür-
ckung des
h. geiſtes.

Die heim-
liche krafft
finde ſich
auch nit
bei dem
Kufferi-
ſche geiſt.

Die ander iſt ein heimliche / vnnnd verborgene krafft
vnd würckung / welche der h. geiſt übet in den hertzen der
glaubigen / durch die Predig des Euangelij / vnnnd ge-
brauch der h. Sacramēt / als da iſt / ware Gottes ſorcht
glaub / lieb / gehorſam / gedult / ſampt anderen derglei-
chen gaben vnnnd früchten / welche Paulus erzölet / züm
Galat. am v. cap. Diſe gaben vnnnd früchtē / finden ſich
auch nit bei diſem Kufferiſchen geiſt / noch bei ſeinen
Jüngern. Dann er inen den ſelbigen nit kan gebe / als der
Gott nit erkennet / vnd von Gott niches weiß / vnd ſein
ne Jünger können in auch nit empfangen / als die Gott
nit kennen / ſonder laſſen ſich äffen vnd nāren einē ſterb-
lichen menſchen / das ſie in für Gott erkennen vnnnd an-
nemen. Daneben das H. Euangelium verachten / durch
welches der H. Geiſt gegeben würt den glaubigen. Dar-
rumb ſo iſt es eitel lügen / vnnnd betrug / was der Kufferi-
ſche geiſt / vnd ſein anhang fürgeben.

Welches

Welches dann/daher auch offenbar vnd bekant ist/ Grund-
 das die Apostel vnd andere Christen / so beide dise wun- liche bez-
 derbarliche vnd auch andere Gaben/des heiligen geistes weisung/
 empfangen haben: Darzu auch die heiligen Propheten/ das alles
 vnd gleybigen Patriarchen / vor der zukunfft Christi/ was der
 durch den H. Geist erleuchtet / nit allein vom künfftigen Küfferi-
 Zeilande gepredigt: sonder auch an in geglaubt haben/ sde geist/
 i. Petri j. Item die nach der zeit der Apostel in der Christ vnd sein
 lichen Kirchen se/vñ se/ durch erleuchtung des h. geistes/ anhang
 die lehre des h. Euangelij von Christo geführt haben: di- fürgebē/
 se alle miteinander / haben nie nichts gewüßt/ noch ge- euel luge
 lehr von diesem ellenden Küffer/ vnd haben noch vil we- vnd be-
 niger an in geglaubt/ oder in als den h. Geist geehret/ oder trug sei.
 angebetten. Dann wie wöllen sie den anruffen/ vnd an
 in glauben/ von dem sie nit gehört: Darumb dieweil von
 anfang der welt/ vnd seit der zukunfft Christi des Her-
 ren / in der Christenheit dieses schantlichen Küffers nye
 gedacht wordē/ weder lützel/ noch vil: so ist es ein schant
 licher rñm/ das er außgibt/ er sei der heilig Geist/ vnd sei-
 ne wort leben: Ja ein Teufelischer Geist/ der nichts an-
 ders mit sich bringet/ dann das ewige verderben. Dann
 niemandt kan/ wie Paulus lehret/ Jesum Christum nen-
 nen/ dann durch den h. Geist/ Da dann der Apostel redet/
 nit allein von dem nennē/ das mit namen / vnd mit der
 zungen geschicht/ ohne glauben: sonder das fürnemlich Kurze er-
 geschichte von Herzen grunde / auß warem glauben / da klärung
 das hertz sich allein auß Christum / auß sein verdienst/ des
 auß sein gnügehång / auß sein Creutz vnd Todt/ verz- spruchs.
 lasset/ vnd durch dasselbig verhoffet verzeihung aller sei- j. Coant.
 ner sünden: fahet deßhalbē an / Christum im hertzen zu am xj. ca.
 lieben/ alle seine freude an jme zū haben/ in zū bekennen/ vñ

in allem ſeinem gehorſam ſich zů üben. Solches alles muß der H. Geiſt würcken / durch die Predig des H. Euangelij / vnnnd gebrauch der H. Sacrament / wie zůvord auch gemeldet / welches er auch außgerichtet hat / in den hertzen aller gleubigen / vor / vnd nach der zůkunfft Christi / welche aber alle von diſem Ruffer nichts gewüſt. **Beschluß** so fellet nun abermal diſer ſchandliche rhüm / vnd fal **dies arti** len gleich mit in die ewige ſchand vnnnd ſchmach / vnd in **ckels.** das ewig verderbē / alle die ſich mit ſolchem rhüm vnnnd falſchem traum ſelbs äſſen / oder ſich äſſen laſſen: davor behüt vns der trewe Gott / der Vatter vnſers Herren Jeſu Christi / durch ſeinen Son vnſern erlöſer Jeſum Chriſtum. Amen,

Der fünfft Artickel.

¶ Von der offenbarung des Heyligen Geiſtes.

DUm fünfften vnnnd zům letzten / dieweil der Heylig Geiſt / als warer ewiger Gott / wie Paulus i. Timoch. am vi. cap. lehret / wohnet in einem liecht da niemands zů kommen kan / welchen kein menſch geſehen / noch ſehen kan: So hat er ſich etlich mal ſehen laſſen / aber nit in eigener geſtalt / ſonder in frembder / als in der geſtalt der Tauben vnd in der geſtalt der ferner flammen. Aber niergendt findt man in der ſchriſt / das er ſich hab laſſen ſehen in menſchlicher geſtalt / dan die ſelbige / nemlich / menſchliche geſtalt an ſich zůnemen / gebüret allein der andern perſon in Göttlichen weſen / dem Son Gottes / dem ewigen wort / daſſelbig iſt fleiſch worden / vnd

vnd hat vnder vns gewohnet. Darauff man abermal sehen kan/wie ein schandelicher irthumb/vnd betrug das ist/ das sich ein elender sterblicher mensch / darff für den H. Geist rhümen vnd aufgeben. Aber die welt will betrogen sein/vnd / wie Christus sagt/mit sehenden augē/wollen sie nit sehen / vnd mit hörenden ohren nit hören: Welches dann daran auch zusehen ist / das sie die heilig schrifft/ so freuenlich vnd mütwillig verkeren/vnd zu besterigung ires einmal gefastē irthumbs / so schandelich mißbrauchen / wie wir droben gnügsam gesehen haben.

Zum beschluß / wollen wir nun auch sehen/ wie diser Rufferische geist/mit seinem lügenhaffteigen traum / vnderstehet vmb zustoßen/ das ganze fundament Christlicher Religion / vnd des Christlichen glaubens. Dann also lautet vnser Christlicher glaub / das Jesus Christus der eingeborne Gottes Son / sei vom H. geist entpfangen / vnd von der h. Jungfrawen Maria geboren. So nun diser Ruffer / wie er fürgibt / der H. geist ist / so müß die heilig Jungfraw Maria Christu den Heren von jme entpfangen habē. Hat sie nun vß diesem Rufferischen geist/ der gleich mit auch fleisch ist / vnd sein will/entpfangen: So ist vnser glaub falsch / da wir glauben vnd bekennen/ das Christus von der h. Jungfrawen Marien sei geboren. Dann also were die Mutter Christi nit Jungfraw bliben / vnd Christus were nit der Samen des weibs / sondern müste heißen der same des Manns / so were entweder die schrifft falsch / welche zeuget / dz der samen des weibs solle der Schlangen den kopff zertretten: oder aber / vnser glaube müste eitel sein / da wir glauben/ Christus sei von der Jungfrawē Maria ohn zürhüung eines manns geboren / so er doch von einem Mann / nemlich / von dem Ruffer /

Dise Rufferische lehrma-
chet zu
nichtē die
h. ent-
pfangnis
Christi / die
jungfraw
schaffe
Marie /
die H.
schrifft de
glauben
vnd hoff-
nung als
ler Chri-
sten.

Rüffer / als dem heiligen geist entpfangen were: Also bliben wir in vnseren sünden: so weren auch alle die verloren / die an Christum / als an den samen des weibs geglaubt / vnd in solchem glauben von hinnen gescheyden seind. Es were vnser aller hoffnung vnd trost / die wir vñ Christo haben / seiner entpfengnuß halben / vmb sonst vñ vergebens. Aber nün ist Christus der same des weibs / wie S. Paulus bezeugt / Gal. iij. cap. Der hat der schlange den kopff zertretten / durch des selbigen H. entpfengnuß / vnd h. geburt / werden wir geheiligt / vnd gereinigt / von vnserer sündelichen / vnreinen entpfengnuß vnd geburt / welche reinigung geschicht durchs wasser / vnd H. Geist / durch welchen wir wider vnd new geboren werde züm Reich Gottes / das ist / zür kindtschafft Gottes / vñ zür erbschafft des ewigen lebens: durch welche wir auch im h. Tauff versiglet werden / der erlösung / so durch das blät Jesu Christi geschehen ist: durch welchen wir auch mit seiner gnaden erfüllet werden / zür erkentnuß Gottes / zür seiner forcht / vñ liebe / zür warem glauben an Christum / zür aller gottseligkeit / zür gedult / zür liebe des nächsten. Dem selbigen H. geist / welcher nit ist fleisch / sonder die dritte person / in dem geistlichen Götlichen / ewigen / vnd allmechtigen wesen / welcher vom Vatter / vnd dem Son außgehet / gleiches gewalts / macht / ehr / vnd herrlichkeit / mit dem Vatter vñnd dem Son / ein Könige aller Könige / vnd Herr aller Herren / ein Schöpffer himmels vnd der Erden / der sichtbaren vñnd vnsehbar ding / der allein vnsterblichkeit hat / vñ wohnet in einem liecht / darzū niemandt kōmen kan: dem selbigen sey mit dem Vatter / vñnd dem Son / Ehr / vnd ewigs Reich / Amen.

Dreierley krafft vnd würckung des h. geistes im h. tauff nach dem vnderscheid der drei personen im götliche wesen.

Beschluß dieses vnderichts.

Des andern irthumbis dieses Ruffe- rischen Geistes/widerlegung.

Also haben wir bißher mit Gottes Wort wider-
lege den Ersten Teufelischen rñm des Rufferi-
schen geistes / vnd tragen kein zweifel / es werden
die einfeltigen / so sonst lust vnd lieb zür warheit haben /
sich damit gern settigen lassen: Nun wollen wir weiter
an die handt nemen den anderen rñm dieses schandeli-
chen vnd Gotteslesterlichen geistes.

Dann er nit allein sich rñmet / das er sei der h. Geist: N. steins
bach hat
gerhü-
met vnd
gelestert/
er sei Se-
lias.
sonder gibt auch für / er sei Helias / vnnnd das noch mehr
ist / hat er seine Jünger beredt / er werde nit sterben / vnnnd
ob er gleich stürbe / So werde er doch vor dem Jüngsten
tag wider aufferstehen / vñ werde an dem Jüngsten tag
die gñten von den bösen scheiden / vnnnd werde die gñten zür
zur Rechten handt des Herren stellen / vnd die bösen zür
linken / vnd werde neben dem Herren Christo sitzen / mit
im vrrheil sprechen / vñ wer sich sein verleugnet / des wöll
er sich auch verleugnen vor dem Herren Christo / vnd der
selbige werde nimmer selig.

Dises alles / ist die rechte grundsuppen des leydigen
Teufels / welche ist voller gestancks vnd vnflats / nit als
lein schandlicher lügen: sonder auch Teufelischer Gottes
lesterung / welche mit werth ist / dz sie solle widerlegt wer-
den / vñ welche solches glauben vnd annemen / oder zñm
wenigsten inen nit mißfallen lassen / die seind nit werth /
das sie bessers wissen sollen. Doch damit der teufel nit vr-
sach neme auß dem stillschweigen zñ frolocken / oder sich
selbs zñ kñzeln / als hette er gleich ein gewunnen spil / dem
E man

man nit widerspreche dō: iſſe / oder weiter zū spotten / mit
 allein Chriſti / ſonder auch ſeiner lieben Kirchen / vnd ge-
 mein: So wöllen wir / Gott dem Herrn zū ehren / vnd
 dem teuffel zū trutz / etwas auff diſes ſchandliche färgen
 ben antworten / damit wir viſach haben / Gottes ehr zū
 preiſen / vnd jm zū dancken für die gnade / das er vns hat
 wiſſen laſſen / die geheimnuß ſeines willens / durch Je-
 ſum Chriſtum ſeinen Son: vnd gleich mit auch wider-
 rumb zū ſpotten / des teuffels vnd ſeiner ſchüpen. Dañ ob
 wol Salomon zūm theil warnet / das man dem narren
 nit ſoll antworten / damit man ihm nit gleich werde / ſo
 hencket er doch gleich mit auch diſen beſelch daran / das
 man ſolle dem narren antworten / damit er ſich ſelbſt nit
 für klüg achte / vnd halte.

Sprach
 Salomo.
 am xxvj.
 cap.

Wie dem
 lügenhaf-
 tige geiſt
 zūant-
 worten
 ſeie.
 Johan. v.

So iſt nūn vor allen dingen zū antworten in gemein/
 diſem rhümreichten vnd lügenhafftigen geiſt: Du zeu-
 geſt von dir ſelbs / darumb ſo iſt dein zeugnuß nit war /
 wie Chriſtus ſagt zū den Juden / Johan. v. So ich von
 mir ſelbs zeuge / ſo iſt mein zeugnuß nit war / Item: Ich
 nenne nit zeugnuß von den menſchen. Dann ob wol Jo-
 hannes der Teuffler von Chriſto gezeuget hat: ſo ſprache
 er doch / er habe ein gröſſer zeugnuß dann Johannis zeug-
 nuß / nemlich / die zeugnuß ſeiner wunderwerck / vnd die
 zeugnuß ſeines himliſchen Vatters. Diweil dann diſer
 verdampre menſch / kein andere zeugnuß hat / dann ſein
 eigene zeugnuß / vnd anderer ſeines gleichen / vom teuffel
 verblenten leuthen: ſo kan man gewaltiglich ſchließen /
 das ſolche ſein zeugnuß nit war iſt. Nemlich / das er ge-
 zeuget / er ſeie der h. geiſte / vnd Helias / ic.

¶ Zūm anderen / ſo iſt diſer rhüm ganz widerwertig
 dem vorigen rhüme / da er ſich für den h. geiſt außgibt:
 Dann

Dann wie reümet sich das miteinander / der heilig geist sein / vnd gleich mit auch Helias sein: Dann der h. geist / vnd Helias / können mit ein person sein: sonder seind vnd unterscheiden vnd abgetrennte personen / so weit von einander / als himel vnd Erden seind. Dann der h. geist ist ein sondere person / welche die dritt ist in dem Göttlichen / vnzertrenlichen / ewigen vnd allmechtigen wesen / welcher / wie droben gesagt worden / vnsterblichkeit hat / welchen niemands sehen kan: Dagege aber Helias / ist auch ein sondere person / welcher ist ein sterblicher mensch gewesen / voller mühseligkeit / vnd arbeiteligkeit / welcher hunger / vnd durst / sampt vilen anderen anfechtungen erduldet hat / wie er selber bekennet / als er müste fliehen vor der Königin Isebel / da er in die wüsten kam / bat er das sein seel stirbe / vnd sprach / es ist genüg / so nim hin Herz mein seel / Ich bin nit besser dann meine Väter. Das aber Helias wunderbarlicher weiß in einem feürigen wagen ist gehn himel geführt / vnd also in die vnsterblichkeit auffgenommen worden / dasselbig ist nit seiner krafft / sonder der Göttlichen grad vnd krafft zu zuschreiben.

Damit man aber noch eigentlicher / vnd gründlicher wissen anderen thüm des Küffers / als einem falschen vñ ganz nichtigen thüm erkennen möge / so wollen wir noch drei oder vier argument / den einfeltigen zu gut / nach einander handlen / welches zweifels ohn nit wenig zu erklaerung diser sachen dienstlich sein würt.

Erstlich / so geschicht in der h. Göttlichen schrifft allein meldung von zweien Helias. Der Erste ist des alten Testaments / nemlich / Helias der Thisbiter auß den Burgern Gilead / welcher zur zeit des Gottlosen Königs

Diser thüm vñ der vorige seind gerad wider einander.

Der h. geist vnd Helias seind zwei vnderchiedliche vnd vngleiche personen.

i. Reg. am iij.

Erliebe mehr argumēt / so dē thüm dieses Küffers vñ zūstossen. Zwe Helias werdē in der schrifft gemeldet.

i. Reg. xvij. nigs vber Israel vnnnd der Königin Ifabel groſſe verfolgung erlitten/ dieweil er auß Gottes beſelch/ das Abgötterliche vnd Gottloſe weſen beyde des Königes/ vnnnd des volcks / mit groſſem eyſer vnd ernſt geſtraffe hatt/ vnd deſſhalben auch die Baalopffaffen/ deren dann waren bei vier hundert vnd fünfzig mann / durch Gottes hilff zůſchanden gemacht/ vnd ſie auch endtlich/ wie ſie verdienet hattē/ am bach Riſon geſchlachtet hat. Endtlich aber/ nach vil erlittener trübsal/ vnnnd verfolgung in

ij. Reg. ij. einem ſerwüigen wagē gehn himmel verzuſcht worden iſt.

Der ander Helias deſ newē Teſtaments. ¶ Der ander Helias iſt deſ newē Teſtaments/ vñ welchem der Prophet Malachias weiſſaget/ im iij. ca. welcher in krafft vnd geiſt Helias hat ſollen vor dem Heren Chriſto hergehen/ der hat ſollen das hertz der Väter beſeren zů den kindern / vñ das hertz der kindern zů ihren Vätern/ der ſelbig iſt geweſen Johannes der Teuffer/ Zacharias Sone/ wie der Engel Gottes die Prophecei auff im deutet/ Luc. im j. cap. wie wir hernach weiter hören werden. Diſe beyde aber haben dergleichen ehr inen ſelbs mit zůgemessen/ noch zůmeſſen laſſen / wie diſer Küſſer ihm trugentlich zůmiſſet: Derhalben ſo müß diſer Küſſer ein lügenhaſſtiger/ vnd erdichter Helias ſein/ von welchem in der ſchriſt mit ein Büchſtaben gefunden vnd geleſen würt.

2. ¶ Zům andern/ ſo iſt ſolches fürgeben vnd rhümen/ zůwider der zeugnuß Chriſti / die er fürer von Johanne dem Teuffer/ welchen er mit hellen vnd klaren worten/ mehr dann ein mal Helias nennet. Dann nach dem die drei Apoſtel die Herligkeit Chriſti ſelbs geſehen/ vñ die ſtimme Gottes gehört/ da ſie mit ime waren auff dem heiligen berge/ als Chriſtus entpfeng von Gott dem Vater

ter ehr

ter eh: vñ preis/ durch ein stime/ die zu im geschach/ Dis ij. Pet. i.
 ist mein lieber Son / an dem ich wolgefallen habe: Vnd
 in dem sie widerumb vom berg herab giengen/ fragten in
 seine Jünger vñ sprachen / was sagen dann die schrifft- Marth.
 gelehrten / Helias müsse züvor kommen: Da antwortet xyij.
 Christus inen vñd sprach/ Helias soll ja züvor komen/
 vñd alles zürecht bringen / doch ich sage euch / es ist Hes-
 lias schon kommen/ vñd sie haben in nit erkant / sonder
 haben an im gethon/ was sie wolten: also würt auch des
 menschen Son leiden müssen: Da verstündē die jünger/
 das er von Johanne dem Teuffer zü ihnen geredt hette.

Des gleichen zeuget auch Christus an einem anderen ort/ Malach.
 nemlich/ das Johanes der Teuffer Helias seie/ von dem iiij. cap.

der Prophet Malachias am iiij. geweissaget hat: Dann Marth.
 also spricht er Matthei am xj. cap. Vnd so irs wölt an- xi. cap.
 nemen/ Er (verstand Johannes) ist Helias/ der da soll

zükünfftig sein. Wie aber vñd welcher gestalt Johanes
 Helias sein solte/ das erkläret der Engel Gottes/ Luc. i.

cap. Nemlich / das er solle vor dem Herren hergehen/ im
 Geist vñd krafft Helias: Vnd damit man gründelich ses-
 hen möchte/ vñd die Prophecei des Prophetē Malachie/
 an Johanne / vñd an keinem anderen solte erfüllet wer-
 den/ brauchet er eben des Propheten wort / welche er in
 der beschreibung des ampts dises künfftigen Helias ge-
 braucht hat/ Malachie cap. iiij.

Diweil dann / Johannes der Teuffer diser Helias Des M.
 ist/ von welchem der Prophet Malachias geweissaget Stein-
 hat/ vñd der selbig in der ersten zükünfft Christi kommen bachs
 ist / wie es Christus selbs bezeuget/ so ist nit allein dises rhum vñ
 unsinnigen Büffers rhum falsch / das er von sich selbs der Papi
 außgibt/ er sei Helias: Sonder würt hiemit auch der Pa- ste trauri
vñ Elia/
ist falsch.

Der Pa-
piste trau-
von Elia
widlegt.

sten traum widerlegt / welche die leut noch heutigs tags
bereden wöllen / das Helias / vnd Henoch / vor dem Jüng-
sten tag kommen sollen / damit sie ehē vrsach geben / zu sol-
cher phantasey / mit welcher der Ruffer / vñ seines gleichē
sich äffen vnd närien. Dañ das die Papisten sich berüf-
fen auff der alten Lehrer zeugnis / kan vnd mag sie sol-
ches nit helfen / dieweil solches der öffentlichen zeugnis
Christi zuwider ist. Vñ ist sich hoch zuverwundern / das
in dem fall Hieronymus angezogen vñ eingefürt würt /
so er doch solcher meinung als einem Jüdischē gedicht /
ganz vnd gar zuwider ist / Dann also schreibt er vber
ij. cap. Malachie. Iudæi hoc, quod dicitur (Ecce ego
mitto Angelum meum) de Helia propheta dictum in-
telligunt : & quod sequitur (statim ueniet ad templum
suum dominator, quem uos quæritis, & Angelus Testa-
menti, quem uos uultis) referunt ad ἡλεμμενον, hoc est,
Christum suum, quem dicunt ultimo tempore esse uen-
turum. Sed miror, quomodo eos rerum exitus non do-
ceat ueritatem. Quod enim templum suum inueniet do-
minator, quod usq; ad fundamentū destructum est, &c.
aut, si ab alio extruendum est, antequam Christus adue-
niat, quid Christus eorum amplius facturum est, cum ab
alio restituta sint omnia. Dominus noster in Euange-
lio, Heliam prophetam, Iohannem Baptistam interpre-
tans, loquitur; Si uultis scire ipse est Helias, qui uentu-
rus est, de quo & hic idem propheta, quem nunc differi-
mus, scribit in fine. Ecce ego mitto uobis Heliam pro-
phetam, antequam ueniat dies domini magnus, & hor-
ribilis. Quomodo autem Helias Iohannes sit, dedit no-
bis uiam intelligentiæ, in uirtute & spiritu Helix, cum
uenisse commemorans.

Das ist /

Die

Die Juden deuten diese Prophecei (Sihe Ich sende meine Engel/10.) dahin/als solte sie züuerstehe sein von dem Propheten Helia: Das aber gleich darauff folget/ (vnd bald würt kommen zu seinem Tempel/ der Herr/ den jr suche/ vñ der Engel/ des Bundts/ des jr begeret) dasselbig deuten sie auff jren Christum/ den sie jnen selbs gedichtet haben/ von welchem sie sagen/ das er zur letstē zeit kommen werde. Aber es nimpt mich wunder / das die erfahrung/ oder die that/ an jr selbs/ sie nit bessers weiset vnd vnderrichtet. Dann was für einen Tempel würde der Herrscher finden/ welcher doch biß auff den grund zerbrochen ist? Oder so der Tempel von einem anderen solte auff zūbarwen sein / vor vñd ehe dann Christus kompt/ was wurde dann Christus weiter außzurichten haben/ so von einem anderen alle ding zū recht gebracht worden weren? Christus vnser Herr/ als er im Euangelio Heliam den Propheten deutet auff Johannem den Teuffer/ spricht er/ vñ so jrs wölte annemen/ er ist Helias/ der da kommen soll / von welchem auch eben diser Prophet/ welchen wir jezunder vorhanden haben/ am ende seiner Prophecei schreibet / Sihe / Ich will euch senden den Propheten Helia / ehe dann da kome der grosse vñd schreckliche tag des Herrn. Welcher gestalt aber Johā. Luc. j. ca. Helias sei/ dasselbig gibt vns züuerstehen der Engel Gottes. da er von Johannezenget / das er im geist vñd krafft Helias wurde vor dem Herrn hergehen.

Des gleichen schreibet auch Hieronymus am ende des iij. cap. vber disen Propheten Malachiam. Iudaei, & Iudaicantes haeretici, ante *ηλειμεινον* suum, Heliam putat esse uenturum, & restitutum omnia, unde & Christo in Euangelio proponitur quaestio: Quid, quod phari-

ſci dicunt, quod Helias uenturus eſt. Quibus ille reſpōdit: Helias quidem ueniet, et ſi creditis, iam uenit, in Helia Ioannem intelligens. Das iſt/

Die Juden/ vnd die Käzer/ ſo mit inen laichen/ oder irē Aberglaubē nachfolgē/ ſteckē in dem wohn/ als ſolce vnder zükunfft ires Meſſias/ welchen ſie inen ſelbs gedichtē haben/ Helias kōmen / vnd alle dīng zū recht bringē. Daher dann im Euangelio diſe frage Chriſto fürgehalten würt. Was ſagen dann die Phariſeer/ Helias werde zū vor kōmen? Welchen er antwortet/ Helias ſoll zu vor kōmen / vnd ſo ires glauben wölt / ſo iſt er ſchon kōmen/ Damit er dann wolte Johannem den Teuffer verſtanden haben.

Gott
gibt zū aller
zeit trewe vñ
eyferige
Lehrer/
welche
den geiſt
Helie vñ
Johannis
haben.

S. Mar-
tin Luz-
ther der
Teuſche
dritte He-
lias.

Hiebei aber mit nichten zū leugnen / oder zū uerwerfen/ das wa etwann in einem Lehrer vnd Prediger gleiche gaben vnd gnaden / gleicher eyfer vnd krafft/ zū ſtraffen die Gottloſigkeit der welt/ vnd die leut zū Gott zū bekeren/ gefunden werden/ wie beide Helias der Theſbiten/ vnd auch Johannes der Teuffer gehabt/ wol vnd recht mag der dritte oder vierdte Helias geneit werde/ wie dann Hieronymus Malachie am iij. durch Heliam omnium prophetarum chorum, die ganze menge der Propheten will verſtanden haben. So aber je ein Helias hat kōmen ſollen / vor der anderen zükunfft Chriſti : ſo ſagen wir/ vnd daſſelbig mit der warheit/ das er ſchon kōmen ſei/ durch welchen Gott zur letzten zeit hat wöllen bekeren die hertzen der Väter zū den Kindern/ vnd die vngleubigen zur klügkeit der gerechten. Dann Gott der Herr/ Doctor Martin Luther ſeliger gedechtnuß / mit ſolcher krafft vnd geiſt angethon / mit welcher Helias im alten Teſtament/ vnd Johannes im newen ſeind angethon ge-
weſen

gewesen / welche krafft sich auch im werck b̄ermassen
 hat sehen lassen / das der selbigen auch die ärgsten feind
 nicht haben mit der warheit widersprechen / vnd mit der
 that nit wehren können / ja auch irer vil müssen gestehen
 vnd bekennen / das es nit eins menschen / sonder Gottes
 werck sein müsse.

Das aber Helias der Thibiter vor der letzte zukunfft
 Christi / sampt Henoch persönlich wider kommen solle /
 wie die Papisten / mit den Juden treümen / oder das die
 ser gebrochene Küffer sei der selbig Helias / wie er selbs
 von sich felschlich außgibt: das alles ist dem wort Gots
 vngemeß / ja ganz vnd gar zuwider / wie solches jez
 under zum theil gnügsam bewisen worden.

¶ Zum dritten / so ist solches rhümen vnd fürgeben
 des Küfferischen geistes / stracks zuwider vñ entgegen
 der zeugnuß vnd bekantnuß Johannis des Teufers / wel-
 cher nit weiter von sich hieite / auch von andern nit hö-
 her wolte gehalten werden / dan sichs gebürt. Dann erst-
 lich ob wol alles volck im wohn war / wie Lucas mel-
 det in ij. cap. vnd gedachten alle in iren hertze / ob er vil-
 leicht Christus were : so wolte er doch das volck in sol-
 chem falschen wohn nit stecken lassen / sonder weistet das
 volck von sich / allein auff Christum den Herren / dem er
 alle ehr vnd krafft zuschreibet. sich selbs aber nit würdig
 achteet / das er Christus die Riemen seiner schüh auflöse /
 das ist / das er Christi knecht vnd diener sei: vnd als die
 Juden von Jerusalem sandten Priester vnd Leuiten / dz
 sie in fragten / wer bistu? da würt gemelder das er bekant
 hab / vñ nicht gelengnet / sonder bekant / er sei nicht Chri-
 stus / vnd hat nit allein dasselbig widersprochen : sonder
 auch / da sie ihn fragten ob er Helias were / sagt er neyn

Helias &
 Thibiter / E-
 noch der
 Patri-
 arch / vnd
 M. items
 bach der
 Küffer /
 werden
 nit wider
 kommen
 vor dem
 jüngsten
 tag.
 Luc. ij.

Johan. j.
 Die Jo-
 hannes
 Helias
 gewesen
 sei.

§ Darzu

darzt / allein von wegen des falschen wohns der Juden.
 Er war zwar Helias / wie Christus selbs von ihm zeuget /
 aber allein von wegen des geists vnd eyfers / den Helias
 gehabt hat / vnd nit von wegen der person Helias des
 Thisbiters / der in einem feurigen Wagen gehn himel
 auffgenommen ist. Dieweil dann die Juden fragten nach
 dem Helias / der ein Thisbiter gewesen / so antwortet Jo
 hannes recht vnd wol / das er nein darzu spricht: Dann
 desselben hat man nit sollen warten / weder vor der erste
 zukunfft Christi / noch vil weniger vor der letzten zu
 kunfft Christi / dieweil der schon kommen ist zur zeit Chri
 sti / von welchem der Prophet geweißaget hat / wie dros
 ben gnügsam erweisen worden. Also wolt Johanes auch
 nit ein Prophet sein / ob wol Christus sagt / er were grö
 ßer dan ein Prophet / allein vmb des mißuerstandts wil
 len / dieweil die Juden sein ampt nit wolten erkennen / v
 er nach der weiffagung Esaias des Propheten im 11. ca.
 ein ruffende stüm were / vnd nach der Prophecey Na
 lachie im 13. cap. der Engel des Herren / der vor dem Her
 ren solte hergehen / seinen weg zubereiten / wie die selbig
 Prophecei erslich Zacharias / Luc. j. cap. erkläret / vnd
 Christus Matth. xj. mit klaren Worten ausleget. Die an
 deren Propheten hatten wol gepredigt vnd geweißaget
 von Christo / aber allein von dem / der da kommen wür
 de: Johannes aber hat gepredigt von dem Christo / der
 schon allbereit kommen war / welchen er mit seinem finger
 zeigt / darumb er nit ein Prophet ist / wie andere / sond ist
 mehr dann ein Prophet / dieweil er Christum gegen wer
 tig im fleisch gezeiget hat / das die andern Propheten nit
 gethon. Derhalben da die gesandten von Jerusalem an
 halten bei Johanne / vnd fragen / wer er seie / vnd was für
 er sich

Zachari.
 am j.
 Matth.
 am xj.
 Vnder
 scheidt
 Propheten
 vnd Jo
 hannes / in
 der Pie
 dig von
 Christo.
 Johan. j.

er sich auf gebe / Spricht er / Ich bin ein künig eines Ruffs
fers in der wüsten / bereitet den weg des Herren. wie der
Propheet Esaias gesaget hat.

Esaias
am xl. ca:

Solche bescheidenheit / demüt / vnd redlichkeit findet
sich nit bei diesem rthumbertigen Ruffsers geist / dann er
will nit allein Helias sein: sondern auch Gott d. h. geist /
vnd das noch mehr ist / er will auch sein Christus. Dann
ob er wol nit sagt / dz er Christus seie / so wisset er im doch
selbs / das ampt / vnd die ehr Christi zu. Dann er spricht /
Er werde am Jüngsten tag / neben dem Herren Christo
sitzen / vnd mit im vtheil sprechen / vnd wer sich sein ver
leugnet / dessen wolle er sich auch verleugnen: Solches al
les ist ein ehr / vnd ampt / das Christo allein zugehöret /
welcher ehre / diser hoffertige geist / Christum / so vil an
im ist / berauben will / vnd im selbs zuschreiben. Solches
hat Johannes nit gethan / der doch in Mütter leib mit
dem h. Geist erfüllet / vnd der rechte Helias ist / wie dro
ben gnüg sam bewisen: sonder hat sich selbs gedemütigt /
vnd alle ehr allein Christo zugemessen. vñ zugeschriben.

Beweis
ung / das
Martin
Lutherbach
auch Chri
stus sein
will

Das aber das Richter ampt allein Christo zugehöre /
das bezeuget Christus Johannis am v. cap. mit hellen
worten / da er spricht / Der Vatter richtet niemandt / son
der hat alles Gerichte dem Son gegeben / auff das sie al
le den Son ehren / wie sie den Vatter ehren. Solchs ha
ben auch die Apostel sollen zeugen vñnd Predigen von
Christo / das er ist verordnet von Gott ein Richter der le
bendigen vnd der todten. Von diesem zeugen alle Prophe
ten / das in seinem namen / alle die an in glauben / verge
bung der sünden empfangen sollen. Item in der Apostel
geschichte xvij. Gott hat einen tag gesetzt / auff welchen
er richtē will / vñ kreiß des Erdbodens / mit gerechtigkeit

Das Rich
ter ampt
gebürt al
lein Chri
sto zu.

Acto. x.
Acto. xvij

§ ij durch

durch einen Mann/ in welchem ers beschlossen hat/ vnd jederman fürhelt den glauben/ nach dem er in hat auff erwecket von den todten. Diser einige Mann / ist Jesus Christus/ der vmb vnser sünde willen gestorben/ vñ vmb vnserer rechtfertigung willen von den todten auff erwecket worden / wie Paulus meldet zñ Römern am iij. Diweil dan Christus der selbige einige man ist/ wie kan dann der Küffer mit im das gericht besitzen/ dan es nur einer vnd nit zween besitzen sollen.

Matth.
xix.

Luc. xxij.

Wie dise wort zu verstehen seien: die Apostel werden richten die zwölff ge schlecht Israel.

Es sage wol Christus zu seinen Aposteln/ dz sie werden sitzen auff zwölff stülen/ vñ richten die zwölff ge schlecht Israel: Solches aber ist mit nichten geredt/ von der Göttlichen Mayestet vnd gewalt/ zürichten die lebendigen vñ die todten/ welche eh: Christo allein gebürt/ wie vorhin gnügsam angezeigt worden: Sonder ist geredt/ von der lehre der 2. Apostel/ welche sie im namen Christi haben führen sollen / hie auff erden/ Erstlich im Jüdischen land/ Demnach in der ganze weiten welt. Nach welcher lehre inhalt/ endelich am jüngsten tag der sententz vnd das vrtheil solte außgesprochen werden vñ Christo/ Erstlich vber die zwölff geschlechte Israel/ dannach vber alle geschlecht der Erden / nemlich / vber die gleybigen das vrtheil der seligkeit: vber die vngleybigen/ das vrtheil der ewigen verdammuß. Dann also spruche Christus zu seinen Aposteln/ Johan. xx. Was ihr auff Erden binden werdet/ soll auch im himel gebunden sein/ vnd was ir auff Erden lösen werden / soll auch im himel loß sein.

Vnd ist solche verheißung ganz tröstlich den Aposteln/ vnd allen dienern Christi / wider dise zwifache ergernuß / die sich hie auff Erden findet/ beyde irer lehre/ vnd

vnd irer person halben. Dann gleich wie sie für jr person/
kein groß ansehen haben hie auff erden/ vor der welt/ als
so verächtlich würt jr lehr auch gehalten: Aber solches
sollen sie sich nit jren lassen. Dan so vil die lehr belangt/
würt die selbig jr krafft vnd würckung habē/ entweders
zum leben bei denen/ die daran glauben: oder zum todt/
bei denen/ die solches verachtē. So vil jr person belangt/
ob sie schon vor der welt verachtet seien: so werden sie
doch groß geachtet sein vor Gott/ als himlische Fürsten
vnd König/ welcher ehr/ Glori/ vnd herlichkeit/ aller
erst offenbar würt werden/ wann Christus jr Herz vnd
Zeiland sich offenbaren würt/ auff dem stül seiner herz-
lichkeit/ vnd wann der weltlichen Potentaten gewalt/
herrschafft/ vnd herlichkeit/ sich enden würt/ als dann
so würt jr herlichkeit aller erst recht an tag kommen/
das sie werden leuchten wie die Sonne/ vnd werden die
heyden richten.

Weiter/ da Christus die form des Jüngsten gerichtes
beschreibt/ Matth. am xxv. cap. da spricht er/ das des
menschen Son kommen werde in seiner herligkeit/ vnd
alle Engel mit im/ der selbige werde sitzen auff dem stül
seiner herlichkeit/ vnd werden vor im versambet werden
alle vöcker der Erden/ vnd er selbs werde sie von einanz
der scheiden/ gleich wie ein Hirt die schaaß von den bö-
sen scheidet/ vnd würt die schaaß zu seiner Rechten stel-
len/ vnd die böck zur linckē. Hie würt weder des h. geists/
noch Helie gedacht/ vil weniger aber eines Rüssers. Die-
schreibet/ vnd will auch mit Christo auff seinem stül si-
zen: so ist jezunder güt darauß züschliessen/ das er ein
Teufelischer geist sei/ der Christum seiner ehin gerne wolt

Zwifache
ergernuß
der Apos-
tel vnd
anderer
diener
des
worts.

form des
jüngsten
tags/
Matth.
xxv. bes-
schreibet/
ist auch
wider die-
sen Rüss-
fere.

entsetzen / vnnnd die selbige jm selbs zümessen / vnd züheigen: Aber das hellische feuwer würt jm zürheil werden. Es den Teufeln vnd seinen Engeln bereit ist. Der erwe vnd barmherzige Gott / wolle vns vor solcher Teufelischen hoffart / lügen / vnd betrug gnädiglich behüten. vnd bewaren / vnnnd vns in seiner gnaden ewigklich erhalten / durch Jesum Christum. Amen.

Widerlegung des dritten irthumbes dieses Küfferischen Geists / vnnnd seiner ner Secten.

Im dritten vnd letzten / das diser verzweifelte Küffer / vnnnd seine Jünger sürgeben sie sehen ein liecht / auch etteliche auß jren sagen / Er / gemeldter Sectenbach / seie das liecht das sie sehen: Das ist eben der rechte Teufels griff / damit er alle seine diener verzaubert vnnnd verblendet / das er sie äffet / vnd nãrret mit himlischer offenbarung / verzückung / besonderer erleuchtung / vnnnd innerlicher einsprechung des Geistes / vnnnd dergleichen. Dasselbig aber ist kein wunder / wie Paulus spricht / ij. Corinth. xj. Dann er selbs / der Satan / verstellte sich züm Engel des Lieches: Darumb ist es nit ein grosses / dz auch seine diener / die Küfferische Propheten / sampt anderen Kottierern / vnd Sectierern / sich solches lieches anmassen / welcher ende würt sein nach jren wercken. Solches haben sie gelernet / von ihrem Vatter / dem Teufel / vnd anderen jres gleichen Teufelischen (Ich solte gesagt haben) himlischen Propheten. Dann ob wol die

ij. Corinth.
xj.

Wodan
Küfferis-
chen das
liecht ses-
hen her-
kome.

die selbigen sich auch mit Sünden in allen Dingen mit einander vergleichen: So leyden sie doch in dem theil mit einander/ das sie sich gemeinlich/ alle miteinander/ großer hinhischen offenbarung/ vnd erleuchtung rühmen. Was aber für schand vnd laster/ was für irthumb/ vnd Gotteslesterung/ sie in solcher irer erdichten/ vnd angemasseten/ oder verzauberten Offenbarung gelehret/ dz hat die erfahrung gnügsam bewisen/ wie dann das ganze Papstthumb/ vnd nach dem selbigen/ die Münsterische hiatoria noch heutiges tages dessen zeugnuß/ vnd kundtschafft gnügsam geben kan.

Derhalben/ damit man durch solchen falschen rühm/ vnd prächtig fürgeben nit betrogen werde: so soll man wol warnemé der Regel die Paulus gibt in solchem fall/ Rom. xij. da er spricht: Hat jemandt ein weiffagung/ so sei sie dem glauben ehlich/ oder gleichförmig: Des glaubens vrsprung aber/ vnd fundament / ist Gottes wort/ Rom. x. Item: Die lehre der heiligen Propheten vnd Apostel/ Philip. ij. Nach diser lehre soll alle weiffagung/ als nach einer gewissen Richtschnür probiert/ vnd bewärt werden/ ob sie auß Gott sei oder nit: Welche Lehre oder weiffagung nit hat Analogiam Fidei, die gleichförmigkeit des glaubens/ oder Göttliche worts / die soll als lügenhafftig vnd Teufelisch verworffen werden. Da her Paulus sagt / zün Gal. j. So auch wir/ nemlich/ die Apostel/ oder ein Engel vom himel/ euch würde das Euangelion Predigen/ anderst / dann das wir euch geprediget haben/ der sei verflücht. Derhalben so sei auch verflücht diser Rufferisch geist mit seinem liecht / damit er die leute verblendt/ vnd abwendet von dem wahren ewigen liecht/ welches ist Christus vnser Heiland.

Gottes wort ist ein gewisfe richtschnür vñ probierstein aller lehre vnd weiffagung.

Gal. j. ca.

Christus ist dz ware liecht.

S iij Dises

Wo das
ware
liecht zu
findē sei.

ij. Pet. j.

Dieses liecht aber lasset sich nit sehen / oder finden auff
den Pflaumen bäumen / oder an andern Ötern / wie die
selbige einen namen haben mögē: Sonder allein in Gottes
tes wort / welches Gott durch den munde seiner 3. Pro-
pheten vnd Apostel / ja durch Christum seine Son selbst
geredt hat. In dem selbigen lernet man Christum / als dz
rechte / wahre / ewige liecht erkennen: wie Petrus des hal-
ben alle Christen vermanet / da er spricht / ij. Pet. j. Wir
haben ein festes Prophetisch wort / vnd jr thut wol / das
ir drauff achtet / als auff ein liecht / das da scheinet in eis-
nem tunccklen ort / biß der tag anbreche / vnd der morgen-
stern auffgehe in eweren hertzen. Vnd das solt jr für das
erste wissen / dz kein weiffagung in der schrifft / geschicht
auff eigner ansplegung: Dann es ist noch nie kein weiffa-
gung auß menschlichem willen herfür bracht / sondern
die h. menschen Gottes haben geredt / getriben von dem
3. Geist.

Von wel-
che liecht
Petrus
redet. ij.
Pet. j. ca.

Dise wort Petri / deutet diser lügenhafftige geist auff
sich / als solte Petrus in / nemlich / den Küffer / als dē er
dichten 3. geist damit gemeint vnd verstanden haben.
So doch solche wort von Petro seind zur warnung ge-
schriben / wider solche verfürische Geister / die ihr eigene
trew vnd lügen / an statt Göttliches worts vns auff-
trechen wöllen. Dann Petrus redet hie / von keinem an-
dern liecht / dann allein von Gottes wort / das Gott
durch den munde seiner 3. Propheten geredt hatt / vnd
lehret / das dasselbe zeyge den rechten Morgenstern / nem-
lich / Jesum Christum / der das ware liecht ist / das alle
menschen erleuchtet / die in dise welt kommen. Dann alle
die / so da wöllen erleuchtet werden / die müssen von dem
3. geist / durch Christum / vnd durch sein 3. wort erleuch-
tet wer-

et werden: Sonst würt vns kein licht helfen. Darumb wir auch nach keinem anderen licht gaffen oder fragen sollen. Dann Christus spricht / Johan. viij. Ich bin das licht d welle / wer mir nachfolget / der würt nit wandelen in finsternuß / sondern würt das licht des lebens habē.

Johan.
viij. cap.

Des gleichen zeuget Paulus ganz herlich von dem Apostel ampt / das durch dasselbig entstande die erleuchtung / von der erkantnis Gottes / durch Jesum Christū. Dann also schreibt er ij. Cor. iij. Gott der Herr / hiesse dz licht auß der finsternuß herfür leuchten / der hat einen hellen schein in vnser hertzen gegeben / das durch vns entstände / die erleuchtung von der erkantnis der Klarheit Gottes / in dem angesicht Jesu Christi. Daher dan auch Christus seinen Aposteln den namen gibt / vnd spricht / Jhr seit das licht der welt / Man zündet nicht ein licht an / vnd setzt es vnder einen scheffel / oder fester: sonder auff einen leuchter / so leuchtet es dann allen die im hause seind: Also lasset ewer licht leuchten für den menschen / das sie ewer güte werck sehen / vnd ewern vater im himel preisen. An welchem ort Christus redet / von dem licht / beides der lehr / vnd des lebens: Mit der lehr sollen die Apostel / vnd alle andere lehrer vnd Prediger leuchten / das ist / zeugen von dem neuen warē licht des lebens / welches ist Christus der Herr: Mit dem leben aber / vnd güten wercken / sollen sie leuchten / das ist / ein gutes Exempel fürtragen / mit einem Erbaren / vñ Gott seligen wandel / damit jederman sehen / vnd spüren möge wie in Christo Jesu sei ein rechtegeschaffen leben vnd wesen. Ephes. iij. cap. Zieher gehöret der vndercheidt den Johannes der Euangelist / machet zwischen Christo / vnd Johanne dem Teuffer / Johan. j. da er spricht /

ij. Corint.
iij.

Matth.
v. cap.

Von wel
che liecht
Christus
redet /
Mat. v.
Vnder-
scheid zw
schen Chri
sto vñ Jo
hane dem
Teuffer.

Johannes war nicht das liecht des lebens: sonder er ist kommen zum zeugnuß / das er von dem liecht zeuget / auff das sie alle durch in / nemlich / Johannem / glauben an das ware liecht / nemlich / Christus / welcher erleuchtet alle menschen / die in diße welt kömten. Also werden die Apostel auch liechter genent / nit / dz sie die krafft / zuerleuchten die hertzen der menschen / von ihuen / oder auß inen selbs haben: wie auch Paulus an obgemeltem ort / ij. Corinth. iij. solchs selbs erkläret / vñ spricht: Wir haben aber solchen schatz in irdischen gefessen / auff das die vberschwengliche krafft / sei Gottes / vñd nit von vns: sonder die Apostel heißen liechter nit allein darü / dz sie sollen zeugen von dem liecht / welches ist Christus / Jesus: sonder auch das Gott durch iren dienst vñ ampt will die hertzen der menschen erleuchten.

Wie die
Apostel
liechter
genennet
werden.

Die Chi
sten wer
den auch
liechter
genennet.

Desgleichen werde liechter genent / alle die / so ob dem wort Gottes / steiff vñd vest halten / mit warem glauben / mit bestendiger bekantnuß / vñd mit vnstreflichem wandel: wie solches Paulus zum Philip. ij. cap. lehret / da er spricht / Ihr scheint vnder dem vngeschlachten / vñd verkerten geschlecht / als die Liechter in der welt / damit das jr haltet ob dem wort des lebens. Daher auch Paulus spricht / ij. Corinth. iij. Ist vnser Euangelion verdeckt / so ist es bei denen / die verloren werden / verdeckt / bei welchen der Gott diser welt / der vngelebigen sinn verblendet hat / das sie nit sehen das helle liecht des Euangelij / von der Klarheit Christi / welcher ist das ebene bilde Gottes.

Auß welchem allem ist gnügsam offenbar / vñd bekant / das diße Rufferische Rott / vñd Sect / auch vom Sathan verblendet ist / diereil sie das liecht des Euangelij

gely/durch welches sie auff Christum/das liecht des ewi-
gen lebens/gewisen werden/nit achten: sonder nach ei-
nem anderen gaffen/das lauter finsternuß/vnnd betrug
ist/welches diser Teufelische geist auff anstiftung seines
Vatters/des Teufels/selbs erdichret hat/damit er ihm
hat wöllen ein ansehen/vnnd anhang machen zü hohn
vnd spott Gottes vnd seines heiligen worts/vnnd züm
verderben viler menschen/die sich also schandelich verfu-
ren lassen.

Derhalben/welche begeren das liecht des lebens/zü
oberkommen/vnnd auch den h.geist züentpfangen/die
wöffen nit gaffen nach himlischer offenbarung/wie die
Widersteuffer:auff verzuckung des geistes/wie die En-
thusiasten: oder auff die innerliche einsprechung des h.
geistes/wie die Schwentzfelder:oder auff die pölder geis-
ter/wie die Papisten: oder auff ein sonder neues liecht/
wie die Küfferischen: Sondern/sollen sich halten/mit
allem fleiß/vñ ernst/züm wort Gottes/züm brauch der
h.Sacramenten/vnd züm gebett.Dañ die selbige seind
die rechte mittel/durch welche der h.geist/die hertzen will
erleuchten/trösten/vnd heiligen/vnd durch welche sich
Christus will den seinen/die ihn lieb haben/offenbaren/
vnd bekant machen züm ewigen leben.Dann welches
die rechte/ware/himlische offenbarung sei/vnd wie die
selbige zügehe/das lehret vns Christus gar eigentlich/
Johā. xiiij. da er sprücht/Wer meine gebott hat/vnnd
helt sie/der ist es/der mich liebet:wer mich aber liebet/der
würdt von meinem Vatter geliebt werden/vnd ich werde
in lieben/vnd mich im offenbaren.

Eben auff solche weiß/will er auch den h.geist geben/
denen/die ihn lieb haben/wie er dann züvor lehret/da er

G ij spricht/

Da emp-
fengen/w-
das liecht
des lebens
b. können
wöllen.

Rechte
mittel
des h. gei-
stes/die
hertze zü-
erleuchte.

Die rech-
te vñ wa-
re himli-
sche offen-
barung.
Johā. xiiij.

2. spricht/Liebet jr mich/so haltet meine gebott/vnnd ich
 3. will den Vatter bitten/vñ er soll euch einen anderen Trö
 4. ster geben/das er bei euch bleib ewiglich/dē geist der war
 5. heit/welchen die welt nit kan empfangen/dann sie sibet
 6. in nicht/vnd kennet in nicht.

Auß disen beyden verheissungen Chusti/lernen wir/
 welche die seien/denen er sich selbs will offenbaren/vnd
 zū erkennen geben: Item/welche die seien/denen er will
 schencken vnd geben den h.geist/den Tröster/nemlich de
 nen/die sein wort lieb haben/vnnd seine gebort halten.
 Macht derhalben einen vnderscheid zwischen den selb
 gen/vnd zwischen der welt:dann die welt/spricht er/Ein
 den h.geist nit empfangen/dann sie sibet in nit/vnd ken
 net in nit/das ist/sie sibet vnd verstehet nit/was des h.
 kirche vñ geists ampt/geschafft/vnnd werck ist/dieweil sie mein
 der welt. wort/welches geist/vnd leben ist/nit will erkennen vnd
 annemen/wie Chustus solches hernacher weiter erklä
 ret/in der antwort/die er gibt/auff die frage/welche sei
 ner Jünger einer/an in thüt/da er fragt/Herz/was ist/
 das du dich vns wilt offenbaren/vnnd nicht der welt?
 Darauff antwortet Chustus/vnd spricht/Wer mich lie
 bet/der würt mein wort halten/vnnd mein Vatter würt
 in lieben/vnnd wir werden zū jm kömen/vnd wohnung
 bei jm machen: Wer aber mich nit liebet/der helt meine
 wort nit/vnd das wort/das jr höret/ist nit mein/sonder
 des Vatters/der mich gesandt hat.

Ein ande
 rer vnder
 scheid der
 waren kir
 chen vnd
 der welt.

Hiemit macht Chustus abermal einen vnderscheid/
 zwischen der rechten waren Kirchen/vnnd zwischen der
 welt/darauff wir dann auch lernen/was beide die Kirch
 Chusti/vnd was die welt sei.Dann die welt ist ein grosse
 anzal deren menschen/die Christum nit lieb haben/wel
 ches

Was sie dann beweisen / das sie kein lust vnd lieb haben
 an dem wort Christi / darzu auch seine gebott nit halten /
 die selbigen Sünden den h. geist nit empfangen / sie begeren
 auch sein nicht / als die weder seiner lehr / noch seinem
 trost nachfragen: darumb kein wunder / das sie den selbigen
 weder sehen noch erkennen. Dagegen aber / ist die
 Kirch Christi ein anzahl verent menschen / die Christum /
 vnd sein wort lieb habē / vnd verhalten seine gebott hal-
 ten / vnder welchen das erste vñ fürnehmste ist / an Chris-
 tum glauben / nemlich / das er sei der weg / die warheit /
 vnd das leben: Aus welchem gebott die andern jren vrs-
 sprung haben / nemlich / den nechsten lieb haben / gleich
 wie Christus vns geliebet hat. Item / dz creüz auff sich
 nemen / vnd Christo mit gedult nachfolgen. Item / das
 fleisch creüzigen sampt seinen glüsten vñ begirden. Zum
 letzten den Vatter herglichen anruffen / im namen Ihesu
 Christi / vnd alles gütes von jm begeren vnd gewarten:
 demselbigen will sich Christus offenbaren / vnd jnen sei-
 nen h. geist schencken / der sie soll trösten / erleuchten / hei-
 ligen / vnd in alle warheit einführen / wie dann Christus
 auch seine Jünger tröstet / vnd spricht / Ihr aber kennet
 in / nemlich den h. geist / dann er bleibt bei euch / vnd würt
 in euch sein.

Was die
 Kirch
 Christi
 sei.
 Johan.
 xiiij.
 Johan.
 xv.
 Matth. x.
 Gal. v.
 Johan.
 xvi.
 Johan.
 iiii. cap.

Auß diesem vnderscheid / ist nun die rechnung leicht zu
 machen / zu welchem hauffen diese Käufferisch Wort gehö-
 re / sampt anderen Kotten / vnd Secten / die sich himlis-
 cher offenbarung / vñ des h. geistes felschlich behümen /
 nemlich / zu dem hauffen / welche Christus alhie die welt
 nennet / welcher den heiligen geist nit kennet / vnd nit ent-
 pfahen kan / vrsach / sie wenden sich ab von Christo / vnd
 seinem h. wort / fragen dem selbigen nit nach: sonder gaf

fen nach einem sonderen liecht / welches nichts anders ist / dann lauter finsternuß / verblendung / vnd verzaubung des leidigen Sathans: wie Paulus spricht / dz der Sathan / der Gott diser welt / verblendet die hertzen der menschen / das sie nit sehen das liecht des h. Euangelij / welches ist ein krafft Gottes zur seligkeit / allen denen die dran glauben / Röm j. cap.

Gott der allmechtig / der Vatter aller gnaden vnd barmhertzigkeit / wolle den ihenigen / so sich in der sünde wider den h. geist noch nit gar vertieffet haben / gnädig sein: ihre hertze erleuchten mit der erkantnuß des Euangelij / auff das sie Chrustum / das ware liecht des ewigen lebens / erkennen / mit glauben annemen / vnd durch den glauben mögen mit vns ewig selig werden / Amen.

Biscluß
dieses drit-
ten jre-
thumbs.

Also hab ich bisher / nach ordnung gehandelt die für-
nehmste jrethumb / der Steinbachischen oder Köfferis-
schen Secten / vnd die selbige gründelich auß Gottes
wort widerlegt / dermassen / das ich guter hoffnung bin /
Es werden die gütherzigen Chrusten / sich mit diesem ein-
feltigen bericht setzigen / vnd vernügen lassen / Ich will
es auch bei dem selbigen rhüwen vnd bleiben lassen: Al-
lein will ich noch zum beschluß an die hande nemen / zu
handlen ein gemeine General Regel / welche Johannes
in seiner ersten epistel / im anfang des vierdten capitels /
zur prob der Geister fürgeschrieben hat / dieselbige will ich
den einfeltigen zu gut / etwas weitlauffigers erklären vñ
auflegen.

Ein General Regel / die geister zu
prüfen / vnd zu bewären / ob sie auß Gott
seien / oder nit.

Der 3. Apostel vnd Euangelist Johanes schreibt in seiner ersten Epistel am iij. cap. Ihr lieben / glaubet nicht einem jeglichen Geist / sonder prüfet die Geister / ob sie von Gott seind. Dann es seind vil falscher Propheten außgegangen in die welt. Daran solt jr den Geist Gottes erkennen / Ein jeglicher Geist / der da bekennet / das Jesus Christus ist in das fleisch komen / der ist von Gott. Vnd ein jeglicher Geist / der da nicht bekennet / das Jesus Christus ist in das fleisch komen / der ist nit von Gott.

i. Johan. 19. 22 22 22 22 22 22

Wie an diesem ort nennet der h. Apostel die falsche Propheten Geister / vnd dasselbig von wegen ihres rühms / das sie sich außgaben für Gottes Propheten / als die vñ Geist Gottes hetten / vnd das sie auß dem selbigen lehren / vnd predigten. Da gilt es nün außsehens / das man nicht gleich einem jeden Lehrer / oder Propheten glaube / der sich des h. geistes rühmet: sonder man muß vnd soll die Geister probieren / ob sie auß Gott seien / oder nit.

Warumb Johanes die falsche Propheten nennet.

Diese Regel aber / die Johannes setzet von der prob vnd bewerung der Geister / muß man etwas gründlicher erwegen vnd betrachten. Dann nach dem ersten anblick laffet es sich ansehen / als gelte sie allein den alten Käzern / welche die person Christi angefochten haben: vñ der denen dann etliche seind gewesen / so die Gottheit Christi offentlich verleugnet haben / als nemlich Cerinthus / vnd Ebion / welche geleugnet haben / dz Christus sei gewesen vñ ewigkeit / ehe er menschliche natur an sich genommen habe. Etlich aber / als die Marcioniter vñ Manicheer haben die menschheit Christi offentlich verleugnet. Dañ sie nit haben wollen zugeben / das der Sohn Gottes einen waren menschlichen leib habe an sich ge-

Welche diese Regel Johans fürnemlich angehe. Die Käzer so die person Christi haben angefochten.

nommen: sonder hab allein ein gestalt des leibs an sich genommen. Dise alle / vnd andere ires gleichen werden mit dieser Regel gewaltig erweisen / das sie nit auß Gott seien / die weil sie offentlich verleugnen das Jesus Christus sei ins fleisch kommen.

2. Solche Regel aber (wie vor gemeldet) gilt nit allein jetzerz dletz offentlichen Käzern / so die person Christi anfechten: sonder sie gilt auch denen / so eint weder dz ampt Christi / nemlich / die vsache / darumb Christus sei ins fleisch kommen / verleugnen / als die Papisten: oder aber das Predigampt vnd den Kirchendienst / dadurch Christus den verdienst seiner menschwerdung vns züsel

3. Die falsche Propheten so das predigampt auffheben oder verachten. let vnd züeygnet / eint weder ganz vnd gar auffheben / oder züm wenigsten als krafftlos vnd vndüchtig zür seligkeit verachtet vnd verwerffen. Wie dan solches thün die Widerteuffer vnd Schwencffelder / sampt anderen Kotten vnd Secten / wie die selbige einen namen haben mögen. Dise alle werden mit dieser Regel vberzeuget vnd vberwisen / das sie nit auß Gott seien / sonder als falsche Lehrer vnnnd Propheten zümeyden vnd züfliehen / Gott geb / was sie sich rhümen / vnd was sie fürgebē / mit predigtigen worten / das sie bekennen / das Jesus sei ins fleisch kommen.

Dann souil die Papisten belanget / was hilfft es das man weist / Das Christus Jesus sei ins fleisch kommen / vnd darneben aber in seines ampts entsetzt vnnnd beraubet / darumb er dann ist ins fleisch kommen / nemlich / wie Paulus lehret. j. Timoth. j. Die armen sündler selig zümachen: welches ampt im allein zügehört / vnd sonst keiner creatur in himel vnd auff Erden / weder Engel noch mensche / wie Petrus sagt / Acto. iij. Es ist in keinem andern

Was das
fürnemst
ampt
Christi sei
j. Timot.
j. cap.

Acto. iij.

derer

deren heil. Es ist auch kein anderer name den menschen gegeben. Darinnen wir sollen selig werden. Vnd Paulus / j. Timor. 1. cap. auch dergleichen lehret / vnd spricht. Es ist ein Gott / vnd ein mitler zwischen Gott vnd den menschen / nemlich / der mensch Jesus Christus / der sich selbst gegeben hat für alle zur erlösung / das solches zu seiner zeit geprediget würde.

Dargegen aber die Papisten solches ampt / das allein Christo zugehört / auch zümessen vnd zuzuschreiben. den Abgestorbenen Heiligen / welche sie neben Christo / als mitler vnd helffer erkennen vnd ehren / vnd deshalben süfluchte zu inen haben in allen nöten / nit allein in leiblichen / sonder auch in geistlichen / wie dz se. big ire gebettlin vnd Collecten / auch ir andere Gözendienst offentlich bezeugen. Zum andern / schreiben sie auch zu / die vergebung der sündē dem verdienst güter wercken / dem offer der Mess für todte vnd lebendige / den Klostersgelübden / dem vnderscheid der speiß vnd kleidung / vnd andern dergleichen selbst erwöleten geistlichkeiten / vnd menschen satzungen / Münchsregeln / vnd brüderschafften / welches alles nichts anders ist / dan Christum seiner ehre vnd seines ampts entsetzen / vnd also Christi menschwerdung / sampt seinem creütz vnd todt / vnd allem seinem verdienst vnd gnügehüung für vnser sündē / verleugnen vnd hinweg werffen.

Dann gleich wie Paulus zum Gal. ij. cap. schlesset / wider die Gesetzprediger zu seiner zeit / vnd spricht : So durch das gesetz die gerechtigkeit kompt / so ist Christus vergeblich gestorben : Also können wir auch wider die papistische werckprediger / vnd alle andere heuchlerische werckheiligen / vnwiderprechlich schliessen : So durch den verdienst

j. Timor.
1. cap.

1.
Welcher
gestalt
die Papis-
ten Chris-
tum ver-
leugnen /
das er sei
ins fleisch
kommen.

Beweis-
ung das
die Papis-
ten Chris-
tum gar
verleug-
nen.

verdienst der gütten werck / oder durch das opffer der
 Mess / oder durch selbs erwölete geistlichkeit / vnd ander
 reerdichte Gottesdienst die gerechtigkeit kompt : so ist
 Christus vergebens ins fleisch kommen / vnd ist verhal
 te auch vergeblich gestorben. Welches aber dem Christe
 lichen glaubē vnd der Apostolischen / sampt der Prophe
 tischen lehr ganz vnd gar zuwider vnd entgegen. Dann
 Paulus spricht / Christus ist gestorben vmb vnserer sünd
 den willen / vnd aufferwecket vmb vnser rechtferigung
 willen / vnd Petrus spricht / Alle Propheten zeugen von
 Christo / das in seinem namen vergebung der sündē emp
 pfahen soll / ein jeder der an in glaubet / Acto. 1. Diewel
 dan die Papisten das widerspiel lehrē / dz man in dem na
 men vnd verdienst der gütē werck / des opffers der Mess
 sen / der abgestorbenen heiligen / der Nünchs regeln / vñ
 anderer dergleichen selbs erwöleten Gottesdiensten vñ
 menschen sayungen müsse vergebung der sündē / die ger
 rechtigkeit / vñ das ewige leben empfangen : So gebē
 sie öffentlich an tag / das sie seien falsche Propheten vñ
 widerchristen / die von der lehr der Propheten / Christi
 vñ seiner Apostel abgewichen / vñ neben der selbigen
 verderbliche Secten eingefüret / vñ also den Herren ver
 leugnet / der sie erkauft hat / vñ mit erdichten worten
 handlung getriben an den leutē nach der weiffagung
 Petri / welche sie in allen stücken gar vollkōmlichen er
 füllen haben / wie solches die vnleugbare erfahrung dieser
 gegenwertigen zeit gnugsam bewisen hat.

11.

So vil aber die Widerteuffer vñ Schweneck selber
 belanget / was hilffte es / das man weiste / dz Jesus Chri
 stus ist ins fleisch kommen / darumb / dz er die armen sünd
 der selig machere / wann mit ein jeder in sonderheit mit war
 rem glaw

rein glauben für sein eigne person sich der menschwerdüg Welcher
 Christi/ vnnnd seines verdiensts darff/ oder kan annemen gestalt
 vnd trösten. Dann der gerecht muß seines eignen glaus die Wis
 dens geleben/ Abacuc ij cap. Sollicher glaube aber kan derteuf
 nie sein (sonderlich bei den alten) ohne dz Predigamt/ ser vnnnd
 ohne das gehörie Göttliches worts/ vnnnd gebrauch der schwercet
 Heiligen Sacramenten/ Rom. x. Derhalben welche das selber
 selbige einweder verachten/ vnnnd für kraffeloss achten/ Christum
 oder ganz vnnnd gar auffheben/ die selbigen verachten verlinge
 Christum/ sein menschwerdung/ creütz vnd todt/ and al nen das
 len seinen verdienst/ welcher durch die mittel des Göttlich er sei ins
 chen worts/ vnd der heiligen Sacramenten / vns züges fleisch
 steller vnd zügeeignet würt / vnnnd wir den selbigen mit kommen
 glauben annemen / vnnnd vns nutz machen/ wie solches Bewei
 weitleunffig / eigentlich vnnnd grundtelich auß vilen zeug sungs/ das
 nussen der h. schrifft müchte dargethan vnnnd erweisen der h. geist kreff
 werden/ Wann es nit züläng würde: Allein will ich etz durch dz
 liche kürzlich anrüren/ damit die güthertzige vsach ha predig
 ben mögen/ der sachen weiter nach züdencken. amt / dz
 ist/ durch
 das wort
 vnnnd h.
 Sacra
 ment.
 Gal. ij. ca.

S. Paulus / ij Corinth. ij. nennet das Predigamt/
 das die gerechtigkeit prediget/ ein amt des heiligen geis
 tes/ das ist / ein sollich amt/ dardurch der heilig Geist
 gegeben würt den glaubigē/ wie Paulus lehret zün Gal.
 ij. cap.

Desgleichen beschreibet Paulus das Predigamt ij. ij Cor. v.
 Corinth. v. Das es sei ein amt der versünung nemlich/
 das die versünung prediget / vnd nennet die Apffel Got
 tes Legaten/ vnd botschafften/ durch welche Gott die
 menschen vermanet / das sie sich wöllen mit ihm versün
 nen lassen: Item: Er nennet ein Amt/ dadurch Gott
 den gehorsam des glaubens auffrichtet / Rom. j. Item Rom. j.

ein ampt dadurch entsethet die erleuchtung von der Klarheit Gottes / im angesicht Jesu Christi / ij. Corinth. iij. Solche vnd dergleichen zeugnissen weren noch mehr einzuführen. Aber es würde zu weitläuffig werden / Darumb will ichs hiebei auff dismal bleiben lassen / vnd solches weiter außzuführen auff ein andere bessere gelegenheit sparen. Gott der ewige Vatter / wolle durch seinen heiligen Geist / die hertzen erleuchten / auff das sie sehen / das helle liecht des Euangelij / damit sie allem irthumb mögen entpflihen / vnd der finsternuß des ewigen todts entrinnen / durch Jesum Christum. Amen.

Verzeichnus der fürnemisten puncten / so in diser schrifft gehandelt werden.

- Auß was vrsach dises schreiben sei fürgenommen worden. blat i.
- Die Steinbachische lehr ist der aller schandelichsten vnd Gotteslesterlichsten kezerien eine. blat ij.
- Vndanckbarkeit der welt / gegen dem h. Euangelio / ist ein vrsach solcher irthumb blat iij.
- Durch wen die weiffagung ij. Petri am ij. cap. von den falschen Propheten / erfüllet sei blat iij.
- Das Bapstumb ist ein öffentliche verleugnung des wahren Christlichen glaubens blat iij.
- Abtheilung diser schrifft v
- ¶ Widerlegung des ersten Steinbachischen irthumbs / das

Register.

Das er sich für den h. Geist hat außgeben	v
Martin Steinbachs erster Irthumb ist wider alle vernunft	ibidem.
Ursach warumb Martin Steinbach nit kan der heilig Geist sein	vj.
Von dem ersten Spruch der h. schrifft / damit er disen ersten Irthumb hat wolle beweisen / genommen auß dem ersten büch Moses am vj. cap.	vij
Straff so vber disen Züfferischen geist gehen würt	viiij.
Von dem andern spruch genommen auß dem Propheten Jeremia am xlvij. cap.	ix
Inhalt des xlvij. cap. Jeremie	x
Wie das wort Ablassen od Außschroten züuerstehē sei.	xj
Von dem dritten spruch / genommen auß dem lj. Psalmen Davids	xiiij.
Inhalt dises spruchs	ibi.
Von dem vierden spruch / genommen auß der ij. Corinth. iij. vñ wj der Apostel in dem selbigē spruch handle.	xv
Ein weitläuffigere erklerung vnd vnderricht vom heiligen geist / abgetheilt in fünff artickel / welche auch dienstlich ist / zü widerlegung dises ersten Steinbachischen Irthumbs	xv. xvj.
1. Der erst artickel: von den Titeln vñnd namen des h. Geists / welcher drei seind. j. Tröster / ij. Geist der warheit / iij. heiliger geist	xvj
Mancherlei würckung des h. geists	xvij
Der Züffer kan der h. geist nit sein	ibidem.
2. Der ander artickel: von der Göttlichen natur vñnd wesen des h. geists	xviiij
Beschreibung Gottes nach seinem Göttlichen wesen. i. Timoth. vj. cap.	xviiij. xix.

Register.

- Was Martin Steinbach für ein gebrochener geist sei xi.
 Martin Steinbachs begrebnuß xxi.
 3. Der dritt artickel: Vom ampt vñ eigenschafften des ibidem.
 h. geists
 Drei eigenschafften / mit welchen man den h. geist / vñ xxiiij.
 andere geister von einander scheiden solle
 4. Der vierdt artickel / von der würckung vñ krafft des xxv.
 h. geists
 Des h. geistes krafft / vñ würckung ist zweierlei. xxv. xxvi.
 5. Der fünfft artickel: Von der Offenbarung des h. geis xxviij.
 stes
 Dreierlei krafft vñ würckung des h. geistes im h. Tauff / xxv.
 nach dem vnderscheid der drei personen im Göttlichen xxvi.
 wesen
 ¶ Widerlegung des andern irthumbes dieses Ruffertis xxvii.
 schen geistes / das er hat fürgeben Er sei Helias xxviii.
 Zween Helias werde in d. schrifft gemeldet. xxviii.
 Der Papisten traum von Elia widerlegt xxviii.
 D. Martin Luther ist der Teutschen dritte Elias gewes xxviii.
 sen xxviii.
 Wie Johannes Helias gewesen sei xxix.
 Vnderscheid der Propheten vñd Johannis / von Christus xl.
 sto xl.
 Beweifung / das Martin Steinbach auch Christus sein xli.
 will xli.
 Auslegung diser wort: Die Apostel werden richen die die
 zwölff geschlecht Israel / Matthei am xix vñ Luc. xli.
 am xxiij. cap. xli.
 ¶ Widerlegung des dritten irthumbes dieses Ruffertis xliij.
 schen geistes vñd seiner Secte / vom liecht sehen xliij.
 Christus ist dz ware liecht vñ wo es zůfinden sei. xliij. xliij.
 Wis xliij.

Register.

Wie die Apostel vnd andere Christen Liechter genennet werden	xlviij.
Vnderscheid zwischen der warē Kirchen vnd der welt l.	l.
Was die Kirch Christi sei	li.
¶ Ein General Regel die Geister zu prüfen / ob sie auß Gott seien oder nit / j. Johannis am iiii.	liij.
Warumb Johannes die falschen Propheten geister nennet	liij.
Welcher gestalt die Papisten / Christum verleugnen / dz er sei ins fleisch kommen	lv.
Welcher gestalt die Widerteuffer vnd Schweneffelder Christum verleugne / dz er sei ins fleisch kommen	lv. lvj.
Beweißung / das der h. geist dreiffig sei durch das Predigamt / das ist / durch das wort vnd h. Sacrament	lvj.

Ende.

¶ Correctur.

Blat: iij. linea. xxviij. nach dem wort / opffern / liß
gewissen. blat: viij. linea. xxiij. für ohn / liß an. blat xix.
linea ix. nach dem wort wenigsten / liß nit. blat xxij. linea
ij. nach dem wort / Todeen / thäe dz wort Item hürweg /
vñ nach der syllaben ca. liß Item / oder vnd. blat xxviij.
linea xx. nach dem wörtlin / wort / liß seien geist vnd. blat
xxviij. neben der xxviij. linc in margine / soll das wörtlin /
so nit da sein.

A 2056734

ocw 1239735064

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.